


Turistanan malcontento cu e construccionnan den area turistico di Eagle Beach



Pagina 2

- **Ex-parlamentario di Aruba deteni pa atraco arma**
Pagina 2
- **Analisis dianan di Pasco na Departamento di Emergencia**
Pagina 7
- **A descubri poblacion scondi di palma Kabana di Corsou**
Pagina 8

Minister Glenbert Croes:

“WEB ainda no ta na e nivel necesario di reserva”



Pagina 4

Venezuela ta extrae 135 mil ton di sushi for di e lago di Maracaibo, cu ainda ta contamina



Pagina 11

China ta sanciona 2 agencia Mericano



Pagina 19

Turistanan malcontento cu e construccions den area turistico di Eagle Beach

Ariba e red social Facebook por a tuma nota di un publicacion den un grupo dedica na turista cu ta bishita of ta interesa den bishita Aruba na unda un usuario a publica un potret di un construcion den e area di Eagle Beach. E publicacion aki a ricibi basta comentario di otro turistanan cu den su mayoria a expresa nan malcontento pa cu tanto diferente construccions cu tin andando aworaki.

E potret a wordo publica hunto cu e texto: “Progreso actual di Iberostar na Eagle Beach.” Esaki di biaha a capta atencion di otro turistanan cu a expresa nan malcontento pa e construccions cu ta andando.

“E ta net riba nos timeshare. Stop di sobreconstrui Aruba,” un usuario a comenta. Mientras otro a comenta: “Teribel! Ora mi a cumpra mi timeshare tabatin leyman pa stop di construi pa no haci e yen di hende.”

Varios usuario a expresa e mesun opinion, cu tanto construccions ta bay haci cu e beach publico di Eagle Beach ta bay ta demasiado yen di



hende cu ya e ta bay bira dificil pa e turistanan disfruta tranquilamente di Eagle Beach.

“Stop e construccions! E isla ta wordo destrui pa companianan buscado di placa,” ; “Hopi

bergonsoso. E beyesa di Aruba ta bay desapare pronto,” ; “Hopi tristo cu nan ta sobre construyendo e bunita isla aki,” ; “Horibel, ki monstrosidad,” ta algun di e otro comentarionan cu e turistanan

a laga ariba e publicacion aki.

Un turista cu ta pertenece na e grupo aki a comenta tocante e impacto cu esaki por tin ariba e problema cu tin caba di mal holo den e area aki.

“Eynan e red electrico ta bay y mas holo di e awanan sushi sigui pa mas musca! Mi tin cu bay cambia mi timeshare pa un luga nobo pa mi keda,” e usuario a comenta.

Ex-parlamentario di Aruba deteni pa atraco arma

Informacion cu a circula den medianan di comunicacion local den ultimodiano ta indica cu ex-parlamentario di Aruba, un muhe di inicialnan L.W., a keda deteni hunto cu su pareha y su yiu menor di edad, pa sospecho di atraco cu arma.

Medionan local a identifica e pareha como O. H., indicando cu ta trata di un persona conoci pa husticia. L.W. actualmente ta traha como do-

cente. Sinembargo, ta muestra cu tur tres, incluyendo e yiu di apenas 16 aña di edad, tabata involucra den e crimen di atraco arma.

Por a compronde cu e atraco a tuma lugar dia 26 di november y e victima a resulta herida, unda W. a fungi como chauffeur den e auto cu a usa pa comete e atraco. E detencion a tuma lugar dia 20 di november. Segun informacion den medianan local, durante interrogacion, W. mes a

haci diferente confesion cu a resulta den detencion di H. Na momento cu a detene H. tambe, a haya droga den e cas. Cu esaki a informa cu e investigacion cu a resulta den e detencion tabata vincula cu un caso grandi di droga. Sinembargo, e yiu menor di edad aparentemente ta involucra solamente den e caso di atraco arma.

Potret di archivo.



Auto a dal peaton cu tabata crusa Watty Vos Boulevard

Un persona a keda seriamente herida ayera den oranan di atardi despues cu un auto a dal’e riba caminda di Watty Vos Boulevard especificamente bayendo e rotonde di area di Ponton.

Polis a yega na e sitio di e sucedido mesora pa asina por

cuminsa controla e trafico den e caminda aki, e auto envolvi a haya basta daño material den su windshield unda den diferente medianan di comunicacion por a mira cu e victima a keda benta cant’i caminda y tabatin mester di atencion medico urgente debi na e golpinan fuerte cu el a haya.

Ambulance a logra yega pa asina por estabilisa e victima prome y despues por a hib’e te hospital.

Debi na e magnitud di e impacto aki tanto pa e chauffeur como pa e victima, polis tambe a pone e chauffeur supla pa por demostra si e persona aki tabata stuur bao influencia di alcohol.

Luc Alofs: “Mi ta spera cu pronto Aruba y Hulanda lo yega na un acuerdo pa nos por participa den e proceso di negociacion of deliberacion di fondonan”

Despues di discurso di minister di Cultura Xiomara Maduro, na Genootschap Nederland Aruba riba e Herdenkingsjaar Slavernijverleden e cual a keda “tot nader oder,” e peticion pa sigui participa den e proceso di negociacion of deliberacion over di e gobernacion pa haya fondonan pa proyectonan na Aruba ta continua.

Den un entrevista cu Bon Dia Aruba, Luc Alofs ken ta miembro di un plataforma cu ta yama Interinsulair Overleg tocante e pasado di esclavitud cu a ser lanta despues di e rapport den cual a skirbi tur e recomendacion pa cu Gobierno Hulandes na aña 2021, el a bisa cu nan a ripara cu aunke Gobierno Hulandes a pidi diferente colaboradornan na islanan pa por organisa dialogonan riba nan isla pa por duna imput na e rapport, esey a tuma luga na tur isla perteneciente na Reino Hulandes, menos Aruba.

Alofs ken tabata e coordinado pa Aruba a bisa cu e dialogonan a tuma luga pero nan no a wak nan mes back den e rapport di e consehonan Hulandes.

Mientras tanto, Gobierno di Hulanda a sigui papia cu gruponan di descendiente di Catibo na Hulanda “pero no cu nos, pasobra nan tin nan bril, nan tin nan punto di bista Hulandes y nan a lubida nos, pero akinan esclavitud a tuma luga.” El a bisa.

P’esey e coordinadornan di e dialogo insular a reuni y nan a bringa nan mes back aden e discusion den Reino, no solamente na Hulanda pa loke ta trata henter e proceso di excuus y e proceso despues. Alofs como miembro di e comision tin hopi comunicacion cu otro miembronan di otro islanan y cu e diferente ministerio na Hulanda, “door di esey nos por a percura pa e isla ta back riba e agenda Hulandes.”

‘Tot nader orde’

Alofs tabata presente na Hulanda e dia cu minister di Cultura, Xiomara Maduro, a hiba su discurso na encuentro di Genootschap Nederland Aruba riba e Herdenkingsjaar Slavernijverleden, nan a invita Alofs pa un presentacion riba e topico di esclavitud na unda el a señala cu Aruba a recupera di pandemia Covid-19 y ta recuperando positivamente na nivel financiero pero tabatin un problema manera el a sigura, cu Hulanda kier cobra un renta riba e lening di Covid hopi halto “pa motibonan cu mi no ta compronde, esey no ta mi asunto, pero bo no por duna excuus pa un cos cu a pasa den pasado ora bo ta sigui cu e actitud colonial den presente y esey a bin como un sorpresa grandi pa tur hende,” el a sigura.

Sin ataca ni defende minister Maduro segun Alofs ta splica cu e decision di lo no forma parti mas di e agenda pa conmemora e abolicion di esclavitud den Reino Hulandes cu e decision di para tur trabou ‘tot nader orde’ lo cual pa Alofs a bin como un sorpresa grandi y pa tur hende ya cu ni un hende tabata na altura di esaki.

Awor cu Aruba a retira su mes for di un di e hopi trayectoria cu ta andando y ta sigui y e consecuencia di mas grandi ta cu Hulanda a invita e islanan Caribeense ex-Antias Hulandes pa forma comisionnan cu un representante di gobierno y un di comunidad, pa conhuntamente yega na un decision di con nan ta bay sigui cu e proceso, con nan ta bay organisa e fondo cu ta disponibel.



Hulanda a pone disponibel un fondo di 200 miyon euro, for di e fondo grandi aki Hulanda a tuma un decision cu e grupo Interinsulair a bringa hopi p’e manera Alofs ta menciona, pa motibo cu pa nan 200 miyon euro no ta hopi tanten nan no sa ken ta goberna e placa y con e placa ta wordo distribui pa e islanan, den esaki na november na Sint Marteen, Gobierno Hulandes a avisa cu e placa ta bay wordo parti den tres parti, 66 miyon euro ta keda na Hulanda pa e descendientenan y publico en general, 66 miyon euro ta bay na Surinam y 66 miyon euro ta bay na e islanan unda cu a traves di desaroyo di proyectonan e islanan ta haya fondonan y e grupo Interinsulair tabata hopi contento cu esey.

Aunke ainda no a wordo defini con e placa ey ta bay wordo goberna, y den sentido aki Alofs a bisa cu Gobierno di Aruba actualmente no ta den e proceso di negociacionnan di ki manera nan ta bay mancha e fondonan ey.

“Mi ta compronde e decision di gobierno, de bes en cuando mi ta observa, mi ta comunica y mi ta honesto, pero na mesun momento esey ta un miss



oportunidad pa awor, ta p’esey mi ta spera cu pronto Gobierno di Aruba y Gobierno Hulandes lo yega na un acuerdo over di e situacion di e interes pa nos como pais por participa den e proceso di negociacion of deliberacion over di e gobernacion di e 66 miyon euro, esey ta mi deseo pa Aña Nobo.” Alofs a expresa.

Fondonan disponibel pa proyecto via diferente organisacionnan

Alofs a trece dilanti cu pa awor fundacionnan no a wordo afecta cu e decision aki pa motibo cu e fondo grandi no ta e unico y esey a wordo reparti caba, nan a bin cu un fondo di 1.8 miyon pa e Aña di Conmemoracion cu ta dura te 1 di juli 2024 e cual a keda den man di NiNsee un organizacion di representantenan di descendientenan di catibonan bibando na Hulanda, algo cu pa Alofs ta ok, pero, e ta señala cu ni e descendientenan na Hulanda por bisa si e proyectonan pa Saba of pa Aruba, ta realistico y si ta bay tin impacto den comunidad. Hulanda a bay di acuerdo cu e argumento aki y nan a manda un suma di e placa ey di NiNsee pa Aruba cu ta bao encargo di UNOCA, nan tin e responsabilidad pa parti e placa pa e aña di conmemoracion.

Mondriaan fonds y Cultuurparticipatie tambe tin fondonan disponibel y fundacionnan interesa por entrega nan proyectonan den e organisacionnan aki, manera Stichting Rancho cu ya caba a haya fondonan di Mondriaan fonds pa cierto proyectonan y tambe Cas di Cultura.

“Pero atrobe, nos como grupo Interinsulair kier e placa por wordo reparti akinan,” Alofs a comenta. Estado Hulandes a ofrece excuus pero tambe e Banco Nacional di Hulanda y nan a pone disponibel un fondo di dies miyon euro y cada isla ta haya un proyecto di 500.000 euro cu ta ekivalente na 1 miyon florin, na unda Aruba ta bay haya un proyecto bunita.

Prins Bernhard Cultuurfonds tambe ta un otro organizacion riba cada isla cu nan experticio, y tambe por pidi proyectonan riba enseñansa, cultura y social economico, proyectonan pa fortalece iniciativanan economico.

Alofs tambe ta indica cu Aruba tin un problema, unda cu pa hopi biaha por wak gruponan cu ta parti placa cu no tin conocimiento di e situacion local y otro problema ta cu hopi di e organisacionnan no tin e experticio pa formula proyectonan, “anto door di esey, esnan cu merece e proyectonan di mas, cu ta mas vulnerabel, no ta haya e oportunidad y esey no ta honesto, mi ta spera cu e organisacionnan manera UNOCA of Prins Bernhard Cultuurfonds por duna asistencia na gruponan cu ta bin cu un iniciativa.”

Pa otro luna, 31 di januari ta bay tin un otro discusion na Hulanda na unda Alof ta spera cu durante e combersacion ey ta bay bin decisionnan fuerte pa wak con ta bay sigui pa motibo cu esey ta keda un preocupacion y na Hulanda tabatin eleccionnan, e partidonan cu aworaki ta bezig di papia di posibilidad pa forma un coalicion no ta e partidonan cu a duna hopi muestra di sostene e excuus tocante e rol di Estado Hulandes den esclavitud, hasta e partido PVV di Geert Wilders a bisa cu nan kier retira e excuus pero esey no ta posibel, no por retira e palabranan di Rey Willem-Alexander.

Minister Glenbert Croes: “WEB ainda no ta na e nivel necesario di reserva”



Anteriormente e luna aki, Parlamento di Aruba a proba presupuesto 2024 di Gobierno di Aruba. Durante e tratamiento di esaki, manera ta customber, e ministernan a contesta pregunta di parlamentarionan relaciona na nan ministerio. Minister di Energia, Integracion y Labor, Minister Glenbert Croes a toca diferente punto y a elabora ariba e tema di WEB tambe.

Minister Croes a splica cu LNG ta baha prijs di awa y coriente, pasobra LNG ta

mas barata cu HFO, pero el a remarca cu en realidad e gasto di awa y coriente no por baha inmediatamente. El a bisa cu LNG ta mas barata cu HFO, p'esey gobierno ta bay haci e switch y tambe pasobra LNG ta mas limpi cu HFO y ta ocasiona menos daño na medio ambiente.

El a sigui splica cu mester haci un inversion cuantioso pa por ricibi e LNG den WEB su facilidad y sistema pa usa. Door di e inversion cuantioso ey no por reduci e tarifa di awa y coriente inmediatamente.

E mandatario a indica cu WEB a recupera, contrario na otro persona cu por a bisa cu e ta den cora. El a resalta cu e entidad a recupera den sentido cu e ta cumpli cu e ratios cu e lender (fiado) ta exige, pero ainda falta un suma pa recupera pa yega back na sumanan original di reserva cu a yega di yuda den pasado pa absorbe aumentonan cu aworaki no por absorbe.

“WEB ta recuperando su reserva. Sinembargo WEB no ta na e nivel ainda di fin di 2021, cual nivel ta necesario pa un compania manera WEB di acuerdo cu e guideline financiero den e programa di financiamiento cu nan tin cu nan lendernan,” el a indica.

Pa loke ta e tema di HFO, minister Croes a splica cu WEB su ratio ta indica cu e por paga back su debe den caso di un prestamo cuantioso, p'esey e tabata importante pa e por cumpli cu e ratios.

El a splica cu WEB a hedge practicamente 95% di tur volumen di azeta pa añanan 2023 y 2024, y e nivelnan na cual hedge ta percura pa no tin ahustacion di tarifa, aumento, di awa y coriente.



E mandatario a sigui splica cu e politica di hedge di WEB ta encera cu e entidad ta hedge e prijs di fuel oil pa stabilisa e tarifanan presupuesta den e siguiente aña y pa preveni mas hopi cu ta posibel cu mester ahusta e tarifanan durante aña, pues trece aumento den e tarifanan.

Na mesun momento el a remarca cu tur e acontecimentonan internacional, e guera entre Rusia y Ucrania, e guera entre Israel y Palestina, e conflicto entre Venezuela y Guyana, ta haci e mercado di petroleo nervioso y esaki por hiba na aumento di prijs como consecuencia.

Minister Croes a indica cu durante 2023 WEB a logra hedge, manera ya caba menciona, 95% di e consumo di fuel oil cu ta presupuesta pa aña 2024 pa medio di varios contract di hedge. Na mei WEB a hedge e prome 50% di e 95% pa full aña 2024 y na october a cera e otro contract pa e otro 50% di e 95% pa full aña 2024. Cu esaki WEB a logra cubri 95% di consumo di fuel oil presupuesta.

“Cu esaki WEB ta minimalisa impacto di prijs di fuel oil riba prijs di awa y coriente,” el a resalta.

E hedge contract cu WEB a cera na mei 2023 ta implica cu WEB lo paga un prijs maximo di 67 dollar y un prijs minimo di 47.25 dollar. Den otro palabra, si e prijs di fuel oil ta riba 67 dollar, WEB ta keda paga 67 dollar, mientras cu si e prijs ta mas abao di 47.25 dollar, WEB ta keda paga 47.25 dollar. Entre e dos sumanan aki WEB ta paga e prijs di mercado.

E hedge cu a cera na october di 2023 ta implica cu WEB

lo paga un prijs maximo di 77.25 dollar y un prijs minimo di 54.75 dollar. E cambio aki, el a señala, ta pa motibo cu e prijs na october ta mas halto cu na luna di mei pa motibo di, entre otro, e conflicto entre Israel y Gaza.

Minister Croes a subraya cu contractnan aki WEB ta logra un prijs averahe maximo di 72.12 y un prijs averahe minimo di 51 dollar pa aña 2024 y ta premira cu no lo mester ahusta, aumenta, e tarifa di prijs di awa y coriente den 2024.

E mandatario a resalta un nota cu e prijs averahe maximo pa aña 2024 ta alrededor di e prijs di fuel oil cu a usa pa calcula e tarifa actual di awa y coriente, den otro palabra e tarifa actual ta proteha pa 95% pa e hedge contract den 2024.

“Ta baha nos kier baha prijs di awa y coriente, pero den e situacion cu mundo ta bo ta protegiendo nos pueblo di un aumento drastico di tarifa di awa y coriente,” el a subraya.

E ultimo actualisacion pa loke ta e proyecto di Eagle LNG, cu a trece hopi discusion y opinionnan dividi, a bin durante un conferencia di prensa den luna di september, na unda Minister Croes a informa cu e proyecto ta continuando cu tur permisonan necesario pa su realizacion.

Den esaki, el a splica cu nan mester a haya aprobacion di Ministerio di Defensa di Hulanda pa loke ta trata e cooperacion pa pasa e tubonan necesario cerca of abao di Marinierskazerne na Savaneta, e cual el a indica cu a ser aproba.

CARIBBEAN SPEED PRINTERS N.V.

TA ANUNCIA

Relaciona cu celebracion di celebracion di Fin di Aña

Ta participa cu **NO** lo tin edicion regular di Bon Dia y Aruba Today riba **dialuna 1 y diamars 2 di januari, 2024**.

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa **dianason 3 di januari, 2024** pa por fabor entrega esaki no mas laat cu **diabierna 29** of sino via email: aviso@bondia.com prome cu 5'or di atardi

Gerencia

Prospero
Aña Nobo
2024

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

2023: Bon aña economico...

Otro asunto ta keda pa 2024...

Aña 2023 a resulta cu bastante actividad, tanto den sentido economico, como politico. Den nos economia por a observa un crecemento fuerte, cu turismo den promer mitar di aña sobrepasando e nivel di 2019 ampliamente, cu vista riba mas di 1,2 miyon turista 'stay-over' pa henter aña. Turismo di crucero tambe ta muestra crecemento, tambe riba e nivel di 2019. Tambe e desaroyo favorable ta keda representa den un aumento fuerte di empleo. Cifran di SVb ta muestra un aumento di casi 3.000 empleo entre januari y november di 2023. Esaki ta mas fuerte ainda cu durante e aña anterior, 2022, cu den henter e aña a conoce un aumento di 1.437 empleo. E cifra pa december ta di 44.684 empleo, un nivel nunca alcanza den pasado. Nos mester ta cauteloso si pa adhuda tur esaki na crecemento economico, pasobra nos no ta na altura si mas eficiencia den detecta empleo ilegal lo por a percura pa parti di e crecemento di empleo registra. En todo caso esaki ta significa un aumento sustancial di ingreso pa gobierno y pa e fondonan di SVb y AZV. Esaki a conduci na e aumento di pago di pension AOV, y e reduccion di prima di AZV pa persona pensiona. Tambe e crecemento a hustifica un aumento di salario minimo, mientras inflacion ta presente ainda, cu influencia considerable di categoria di energia y cuminda. Por ehemplo, e minimo di sobrevivencia (bestaansminimum) ta muestra un aumento di Afl. 85 pa un famia di cuatro persona (Afl. 5.447 vs Afl. 5.362), den e comparacion november 2022 – 2023. Un indicacion cu ta existi ainda presion fuerte riba e famianan di menos recurso, cu ta dedica un parti relativamente grandi di nan entrada na asunto di promer necesidad.

E escenario politico aki tabata domina henter aña pa e relacion sensitivo, y no semper cordial cu gobierno Hulandes, principalmente pa e decisionnan importante cu mester a tuma lugar encuan to e renobacion di e prestamonan di e crisis di Covid, y e negociacion alrededor di continuacion di e supervision financiero. E promer asunto a termina recientemente cu un acuerdo cu un repago den 20 aña, cu ta inicia cu un interes halto, cu lo baha solamente si tin un acuerdo, y despues un ley di supervision di Reino vigente. E negociacion lo mester continua durante 2024, pero no ta muestra riba un solucion rapido. Den esey tin varios factor cu ta hunga un papel. Tin un gabinete demisionario na Hulanda, cu a haya mandato pa tramita e asunto cu Aruba, pero ta imaginable cu e negociacion ta bira asina dificil cu lo ta mihor pa e decisionnan clave keda den man di un gobierno nobo. Cu un tal gobierno por tuma un postura mas duro ainda contra gobierno di Aruba ta posible, pero esey no ta cambia e

situacion cu gobierno di Hulanda, cualkier gobierno, lo tin e mesun espacio no asina amplio pa maniobra. Esey mas tanto pasobra ya tin un supervision financiero vigente, via e ley local, loke pa gobierno di Aruba lo ta un argumento pa no tin pura cu yega na un acuerdo. E 'castigo' cu gobierno Hulandes kier a impone cu e interes halto, lo ta di menos importancia pa gobierno di Aruba pasobra e entranan gubernamental extraordinario di 2023 y tambe 2024 ta para garante pa e capacidad pa cubri e extra gastonan aki. E ta keda den vision di hopi keto bay un desperdicio di placa publico cu por a sirbi pa otro cos, pero esey no ta parce di ta impresiona nos gobernantenan.

Un asunto cu no a haya un solucion final den corte ta e sentencia di Corte di Husticia de e Islanan, encuan to e opcion pa amplia matrimonio civil pa pareha di mesun sexo. A yega na e audiencianan dilanti Corte Superior (Hoge Raad) pero no tin un veredicto ainda. Ta dificil pa predecir un resulatdo final, pero cualkier cu esey ta tampoco ta bay caba cu e debate cu ta muestra un division dentro di e dos partidonan grandi, loke ta haci un decision a base di consenshi talvez logico, pero cu no ta duna un resultado sigur, si acaso lo tin un propuesta di ley pa trata otro aña, cu ta contempla amplia e opcion referi.

Den e desaroyonan regional ta importante señala e cambio cu a bin den e relacion cu nos bisña Venezuela, unda a yega na habri e posibilidad di transporte maritimo, y cu transporte aereo posiblemente pronto. Aunke nos ta consciente di e hecho cu esaki ta primeramente un asunto di gobierno di Hulaanda, cu ta atende asunto diplomatico pa Reino, nos ta kere cu ta bon pa mantene un posicion mas cauteloso. E punto principal ta cu no ta mira señal ainda di mehoracion den e situacion politico na e pais ey, y cu un situacion empeorando rapidamente por consecuencia pa nos, cu frontera habri. Ademas nos no ta beneficia di e hecho cu actualmente ta e regimen politico/militar ta usa e mehoracion di relacion cu Reino pa pretende cu de repente nan a bira mas aceptable pa paisnan democratico. Tambe nos tin e posibilidad di yegada masivo di migrante, legal o ilegal, cu ta bin complica asunto pa nos. Nos a tuma nota di expresion di e mandatario encarga, cu lo no acepta migrante cu ta yega ilegalmente na nos pais. Segun nos opinion esey no ta cuadra cu ley internacional, unda esun cu ta yega na frontera y ta reclama inmediatamente e status di refugiado, no por ta obheto di deportacion inmediato. Pues nos ta mira e asunto aki como un problema serio, cu ta exige vigilancia estricto den e aña nobo.

CBS: Aña cu a pasa, 58.8% di producto di canasta di consumo a aumenta di prijs

Recientemente, CBS a publica e **Indice di Prijs di Consumo** pa e periodo **November 2022 – November 2023**. Den esaki, a destaca cu **58.8% di producto den canasta di consumo a conoce aumento di prijs y e bestaansminimum pa famia a aumenta cu 85 florin**.

Indice di Prijs di Consumo
Den e ultimo diesdos (12) luna, e CPI a subi cu 1.7%, unda nueve (9) di e diesdos (12) sector a registra subida di prijs. E subida cu tabatin e mayor efecto riba e CPI a wordo registra pa e sectornan di “Comunicacion” (21.1%), “Restante bienes y servicio” (3.1%), “Vivienda” (1.4%), “Restaurant y hotel” (7.6%), “Educacion” (25.2%) y “Cuminda y bebida no-alcoholico” (1.8%) causando un efecto di respectivamente, 1.54, 0.36, 0.35, 0.24 y 0.21 ppt. E subida den e restante sectornan a contribui cu un efecto di 0.17 ppt riba e CPI di November 2022 - November 2023.

E subidanan aki a wordo contraresta parcialmente door di principalmente un caida den e indice di e sector di “Transporte” (-7.7%), cu a contribui cu un efecto di -1.09 ppt. E caidan den e restante sectornan a contribui cu un efecto di -0.41 ppt riba e CPI di November 2022 - November 2023.

E subida den e sector di “Comunicacion” a wordo causa door di un subida di 22.7% den e categoria “Servicio di telefon y fax”, causando un efecto di 1.59 ppt. E subida



den e sector di “Restante bienes y servicio” a wordo causa principalmente door di un subida den e categoria “Cuido personal” (5.3%), causando un efecto di 0.21 ppt. E subida den e sector di “Vivienda” a wordo causa principalmente door di un subida di 15.0% den e categoria “Mantenion y reparacion di vivienda”, causando un efecto di 0.78 ppt. E subida den e sector di “Restaurant y hotel” a wordo causa door di un subida di 8.0% den e categoria “Cuminda pafo di cas”, causando un efecto di 0.36 ppt. E subida den e sector di “Educacion” a wordo causa door di subida den e categorianan “Educacion secundario” (32.0%) y “Educacion preescolar y basico” (42.9%), causando un efecto di respectivamente, 0.14 y 0.10 ppt. E subida den e sector di “Cuminda y bebida no-alcoholico”

a wordo causa door di subida den e categorianan “Cuminda” (1.3%) y “Bebida no-alcoholico” (5.7%), causando un efecto di respectivamente, 0.13 y 0.08 ppt. E caida den e sector di “Transporte” a wordo causa principalmente door di un caida di 16.5% den e categoria “Compra di vehiculo”, causando un efecto di -0.82 ppt.

Canasta di consumo
Den e ultimo aña cu a pasa 58.8% di producto den e canasta di consumo di e CPI a conoce un aumento di prijs causando un efecto di 5.28 ppt, mientras cu 35.5% ta muestra un caida di prijs, cu a contribui cu un efecto di -3.55 ppt y pa e restante 5.6% no tabatin cambio den prijs. E indice di “Bienes” (-1.3%) a registra caida, causando un efecto di -0.79 ppt, mientras cu e indice di “Servicionan” a

registra un subida di 6.3% y a causa un efecto di 2.53 ppt.

Bestaansminimum
Den e ultimo diesdos (12) luna e bestaansminimum pa un hogar consistiendo di dos (2) adulto y dos (2) mucha (edad 0-15 aña) a registra un subida di Afl. 85, di Afl. 5,362 na November 2022 pa Afl. 5,447 na November 2023. E subida aki a wordo causaprinicialmente door di subida den e sectornan di “Cuminda y bebida no-alcoholico” (Afl. 40) y “Comunicacion” (Afl. 29).


Cambio di prijs di petroleo, utilidad, gasolin y diesel
E prijs promedio pa bari di petroleo a conoce un caida di US\$ 6.60 (-7.8%) di US\$ 85.08 na November 2022 pa US\$ 78.48 na November 2023. E indice di Energia a baha

cu 5.6% den e ultimo aña y a causa un efecto di -1.03 ppt. E indice di “Gasolin” (-7.6%) a registra un caida, causando un efecto di -0.40 ppt, mientras cu e indice di “Diesel” (-13.0%) a registra un caida, causando un efecto di -0.06 riba e CPI. E indice di “Electricidad” (-6.8%) a registra caida, causando un efecto di -0.57 ppt, mientras cu e indice di “Awa” no a registra cambio. E restante 404 bienes y servicio hunto, a conoce un subida di 3.4% y tabatin hunto un efecto di 2.76 ppt.

Den e ultimo diesdos (12) luna e indice di “Cuminda & servicio di catering” a subi cu 3.6%. E indice di “Cuminda na cas” a conoce un subida di 1.8%, unda cinco (5) di e diesun (11) indice di e gruponan di “Cuminda na cas” a subi durante e periodo aki.

E indice di “Sucu, jam y otro tipo di cos dushi” a conoce un subida di 13.9%, e subida mas grandi entre e gruponan di “Cuminda na cas”. Ademas otro subida a wordo registra den e indicenan di “Restante productonan pa alimentacion” (11.4%), “Pan y otro productonan di grano” (6.8%), “Bebida no-alcoholico” (5.7%) y “Lechi, keshi y webo” (2.3%). E caida mas grandi durante e periodo aki a wordo registra den e indice di “Batata, yuca y batata dushi” (-5.3%).

E indice di “Cuminda pafo di cas” a registra un subida di 8.0% den e ultimo diesdos (12) luna.



HOH cu informacion di algun dato

Analisis dianan di Pasco na Departamento di Emergencia

Anualmente Horacio Oduber Hospital Hospital (HOH) ta haci un analisis di bishitantenan cu a acudi na departamento di Emergencia durante e dianan di fiesta. Dianan di fiesta unda cada colega ta traha duro pa asina atende tur pashent cu yega cu un of otro problema medico na departamento di emergencia.

Na prome lugar HOH kier gradici full e team aki cu a traha incansablemente durante e dianan di Pasco. Por bisa compara cu otro añanan e aña aki tabatin un cantidad averahe di pashentnan cu a acudi na nos departamento di emergencia. Un total di 352 pashent a acudi e aña aki pa sea ricibi atencion medico na Departamento di Emergencia of na dokter na warda. Aña pasa tabatin 404 persona cu a acudi, na aña 2021 tabatin 319 persona, na 2020 tabatin 284 persona y na 2019 esaki tabata un total di 332 persona.

Mescos aña pasa, e analisis a cuminsa dia 24 di december pa 6am y a termina dia 27 di december pa 6 am. Di e 352 persona un total di 175 persona a ricibi atencion medico na departamento di Emergencia cual ta practicamente mita di e cantidad cu a presenta. Di e 175 pashentnan cu departamento di Emergencia a atende 56% ta femenino. E edad di mas chikito cu a atende e aña aki ta un baby di 20 dia y e pashent di mas grandi 95 aña. Y alabes e edad averahe cu a ser atendi tabata 44,1 aña di edad.

Ta interesante tambe pa analisa e motibo di mester acudi na departamento di emergencia. Di e 175 pashentnan cu a acudi na Departamento di Emergencia 55 tabatin un of otro lesion di cual 4 tabata involucra den un accident di trafico, 3



persona conecta cu incidente di violencia y 2 di intoxicacion. Otro motibonan pa acudi tabata pa dolor na pecho, dolor di stoma, sacamento, reaccion alergico, infeccion, falta rosea etc.

Di e 175 pashentnan cu a acudi na Departamento di Emergencia un total di 33 pashent a ser admiti den Hospital. Di e 33 pashent cu a wordo admiti, 48% ta masculino y e grupo di edad mas comun cu ser admiti ta di 65 aña bay ariba cu un porcentahe di 64%.

Nos departamento di Emergencia t'ey pa tur emergencia y nos Huisartsenpost (HAP) t'ey pa casonan cu no por warda te cu e siguiente dia pa

wordo atendi door di bo dokter di cas. Akinan bo lo por discuti bo condicion medico cu un dokter di cas. E dokter di cas lo por controla y haci un check-up. Si ta necesario, por receta remedi na e pashent. Tene na cuenta cu na HAP no ta saca sanger, haci un echo of un CT-scan y tampoco por manda bo pa un oficina di especialista.

Hospital kier pidi tur hende pa bay poco poco e ultimo siman di 2023. Cuida bo mes, cuida otro y bo salud y corda cu bo tin un famia cu ta stima bo ta warda bo na cas. Y si encaso bo mester di asistencia medico corda tambe cu nos famia di HOH semper t'ey!

Un aumento di hende na Hulanda cu ta ricibi asistencia di compras for di Cruz Cora



(NLTimes)—Asistencia alimentario provee pa Cruz Cora na Hulanda a aumenta atrobe durante e ultimo aña. E organizacion di ayudo a distribui 254,983 carchi di compras, compara cu mas cu 215,000 na 2022. E carchinan di compras ta carga un balor di 17.50 euro, cual Cruz Cora ta bisa ta suficiente pa un individual pa cushina cuminda cayente pa un siman largo.

Mas carchi a ser distribui pa-sobra tabatin mas peticion pa ayudo, segun Cruz Cora. Ademas, mas organisacionnan ta trahando hunto pa alcanza hende cu necesidad alimen-

tario. Harm Goossens, ken ta lidera Cruz Cora na Hulanda, a bisa cu nan ta yudando provee asistencia di emergencia temporario. “Pero ta parce cu nos ayudo alimentario ta necesario mas structuralmente, mientras cu nos ta prefera di aleha. En practica, esaki no ta parce realistico.”

Cruz Cora tambe a bisa cu mas partner ta ser busca pa asina provee mas hende cu ayudo. “Den e proximo aña, nos kier sigui yuda lo mas hopi hende cu necesidad alimentario haya un carchi di compras. Preferiblemente cu un carchi cu por ser uza den tur supermercado,” Goossens a bisa.

Na comienso di luna a ser anuncia cu e cantidad di scolnan participando den e programa di cuminsa gratis pa studiantenan vulnerabel a aumenta pa aproximadamente 1,900. Esaki ta conta pa un kwart di scolnan primario y secundario.

Cu Orguyo,

WEB ta cende e luz
pa comunidad di Aruba.

Di e famia di WEB pa bo famia,
Bon Pasco y un Feliz Aña 2024!

22, 25, 26 y 29 di december
1 y 2 di januari nos ta cera.
Pa caso di storing por yama 525-4300



Balashi 76, Aruba | T. 280 4600
WEB Aruba Chat: 525-4600 | www.webaruba.com

A descubri poblacion scondi di palma Kabana di Corsou

(CuraçaoChronicle) - Cientificonan di CARMA-BI y Wageningen University and Research a haci un descubrimiento importante e siman aki - un poblacion anteriormente desconoci riba Christoffelberg.



E palma Kabana (Sabal antillensis) ta unico di Corsou, predominantemente haya riba e seronan di Knip, specialmente Seru Gracia y Seru Bientu, west di Christoffelberg. E palmanan aki ta destaca cu nan palo sunu y dobla, y por biba pa un tempo excepcionalmente largo. Investigacion intensivo na e sitio utilizando tecnicnan moderno a revela palmanan scondi na e Christoffelpark, expandiendo e expansion di distribucion natural di e Ka-

bana mas leu cu loke a asumi anteriormente.

Aña pasa, durante trabao na e Christoffelberg, Andre van Proosdij (WUR) y Erik Houtepen (CARMABI) a mira un palma riba e banda oriental di e Christoffelberg for di un distancia considerable. Maske no por a alcans'e for di e ubicacion di e cientificonan, uso di verrekijker rapidamente a confirma cu tabata un Kabana. E descubrimiento aki ta notable ya cu an-

teriormente tabata conoce e Kabana solamente riba seronan west di Christoffelberg. Tiki despues a bin rumor tocante palma riba Christoffelberg, maske sin detaye di un ubicacion specifico. E siman aki, Houtepen y Van Proosdij, cu asistencia di imagen di drone y verrekijker, a bay den un biahe pa ubica e palma en cuestion. Subiendo e caminda stijl banda oriental, leu di caminda y trail, nan a descubri cinco specimen hoben y saludable. Por tin hopi mas

den e cercania, cu ta rekeri mas exploracion. E palmanan ta muestra saludable, di 20 pa 50 ana di edad, y ainda no a duna flor ni fruta.

E historia y origen di e specimenan aki ta keda desconoci. Un expansion bayendo oost for di e poblacion occidental ta parce posible pero no logico. Esaki pa motibo cu, pa e simanan plama den e direccion ey, nan lo mester surpasa e biento fuerte y pasa riba e top di Christoffelberg. Ta mas probable cu cantidadnan chikito di Kabana semper a crece banda oost di Christoffel pero niun hende a ripara te awo. Investigacion intensivo cu asistencia di drone den e area a revela e matanan scondi pa hopi tempo den Christoffelpark. Cientificonan a colecta DNA pa in-

vestiga e relacion genetico cu e poblacion occidental.

A haya e palmanan den un area cu ta cubri alrededor di 8km² di e area di distribucion conoci den direccion oriental. Den e conteo inicial di palmanan Kabana na 1979, a registra apenas 323 specimen adulto. Despues di a retira cantidad di cabrito for di Christoffelpark den comienso di añanan 1990, poniendo un fin na overbegrazing, e vegetacion natural a haci un recuperacion espectacular. E poblacion di Kabana tambe a aumenta desde e tempo ey, awo tin mas cu mil. E palma Kabana di Corsou ta un ehemplo di restauracion exitoso di especie excepcional di mata na e Christoffelpark.

Curaçao North Sea Jazz Festival ta haci un regreso triunfante na 2024

(CuraçaoChronicle) - Despues di un break di varios aña, e tan anticipa Curaçao North Sea Jazz Festival ta programa pa haci su gran regreso na 2024. Programa pa dianan 29, 30 y 31 di augustus, e di dies edicion di e festival ta priminti di ta un celebracion espectacular di musica y cultura.

Mientras fanaticonan ta spera pa detaye di e lineup y benta di ticket, e solo anuncio di e

regreso di e festival ya a crea alegria entre entusiastanan di musica y a inyecta emocion den e sector vibrante di turismo na Corsou.

Fundacion Bon Intenshon, establece na 1990 pa Gregory Elias y cu sede na Corsou, ta para como un co-organisador y sponsor clave di e festival, contribuyendo significativamente na su exito.

Mientras cu a revela tres dia pa



e evento, tin un decision pendiente tocante e concierto gratis

tradicionalmente organisa riba e dia di apertura di e evento. E

concierto gratis a bira un tradicion hopi stima, cu ta atrae tanto local como bishitante pa disfruta di e festividadnan musical.

Na januari, team di produccion di Mojoconcerts ta programa pa bishita Corsou. Un conferencia di prensa durante e bishita aki ta spera di revela e lineup inicial di artista confirma, agregando na e anticipacion rond di e regreso di e Curaçao North Sea Jazz Festival.



Notariskantoor Rodriguez-Taekema SUCU / De la Sallestraat 60

Tel: 588-2400 / cel: 593-5805

e-mail: h.rodriquez@notarisrodriquez.com

deelt u bij deze mee dat het kantoor gesloten zal zijn
van 23 december 2023 tot 2 januari 2024

ta participa cu su oficina lo ta sera
di dia 23 di december 2023
te cu 2 di januari 2024

announces that its office will be closed from
December 23rd, 2023 till January 3rd, 2024

Fijne feestdagen Feliz Dianan di Fiesta Happy Holidays



Ultimatum pa Corsou pa planta di asfalt y calidad di aire

(CuraçaoChronicle) - Clean Air Everywhere, un organizacion ambientalista na Corsou, a manda un carta urgente na prome minister Gilmar Pisas, kende actualmente ta minister interino di Salubridad Publico.

E carta ta expresa preocupacion serio tocante e apertura planea pa un planta di asfalt door di Global Oil Management Group na mei 2024. E planta aki lo opera bao di e hindervergunning existente cu standardnan anticua pa sulfur dioxide y materia particular, cual segun e organizacion ambiental, ta contradeci veredictonan di corte.

Den e carta, prepara pa Triple A Attorneys den number di Clean Air Everywhere, ta haci referencia na varios caso legal contra gobierno di Corsou. Den e casonan aki, a determina cu e emision total di sulfur dioxide, midi na e stacion di monitoreo Kas Chikitu, no mester excede 40µ/m³ den un periodo di 24 ora.

Sin embargo, e hindervergunning actual otorga na RdK,



propietario di e refinaria, ta permiti emisionnan significativamente mas halto, cual e organizacion ambiental ta mira como un 'violacion flagrante' di e veredicto di Corte di Apelacion di Corsou.

Tambe a expresa critica relaciona cu informacion cu ta duna na publico. E website luchtmetingencuracao.org, fungiendo como fuente principal di informacion, no a ricibi ningun update desde juni di 2023.

Adicionalmente, a cita problemanan tecnico cu ta haci cu no por

download data, generando mas preocupacion tocante transparencia y responsabilidad.

E organizacion ta exige pa ahusta e hindervergunning di RdK pa dia 1 di maart 2024, pa cumpli cu standardnan di calidad di aire di WHO y e veredictonan di corte.

Ademas, lo mester tin acceso mehora na data actual y historico riba e website menciona.

Si no ta cumpli cu e demandanan aki, Clean Air Everywhere ta menasa cu mas accion legal, incluyendo imposicion di castigo.

Duda riba conflicto di interes ta surgi tocante trabao di minister Nieuwenhuizen como lobbyist



(NLTimes) — Varios politico na Hulanda a protesta diaranson despues cu a surgi cu ex-minister di infraestructura, Cora van Nieuwenhuizen a sigui participa den reunionnan importante a pesar di sigura un trabao como lobbyist pa sector di energia.

E politico di VVD tabata parti di Comité Ministerial riba Clima y Energia, y a retira for di su rol como minister na 2021 despues di cuatro aña den e gabinete pa conclui su carera politico di 27 aña. Van Nieuwenhuizen a drenta e tercer gabinete di prome minister Mark Rutte for di cuminsamento dia 26 di october 2017, un posicion cu el a bandona fin di augustus 2021. Tambe el a tuma over como minister di asunto economico y clima na januari 2021 despues cu Eric Wiebes a retira. Ambos Rutte y Wiebes tabata miembronan di VVD.

Ora van Nieuwenhuizen a anuncia e cambio di trabao, el a declara publicamente cu no tabatin un conflicto di interes pasobra e “nunca tabatin envolvimento politico den energia.” Sin embargo, su tempo demisionario den e comité ministerial a demostra otro, segun NOS y Nieuwsuur. Tambe el a bisa na juli 2021 cu cualkier asunto relata na energia lo ser encarga pa otro colega despues cu el a acepta e posicion di lobbyist cual a cuminsa despues di e temporada di zomer e tempo ey.

E locutor y programa di noticia a tuma un periodo di tempo purbando di obtene

documentonan for di e Ministerio di Infraestructura cual ta bay den conflicto cu e declaracionnan di van Nieuwenhuizen. El a reuni dos biaha cu e comité ministerial na augustus, y a sigui ricibi documentonan oficial tocante politica di energia. Un di e decisionnan haci e tempo ey tabata tocante compensacion financiero pa stacionnan di energia debi na e proceduranan slow di gobierno. E compania di energia, RWE, a ricibi miyones di euro den e skema.

Cuatro dia despues cu e reunion a determina e resultado, van Nieuwenhuizen a anuncia cu e tabata retirando pa lidera e grupo di lobbyist pa e sector di energia, esta Energie Nederland. RWE ta un miembro di e grupo aki. E compensacion duna na companianan di energia a ser denuncia mas despues pa e minister actual, Rob Jetten, como un resolucion caro.

E cambio di van Nieuwenhuizen pa cabilderia a causa preocupacionnan caba despues cu el a sosode. Minister- y secretarianan di estado ya tabata enfrentando un prohibicion di dos aña pa bira lobbyist, cu e excepcion si e topico di trabao lobbyist no tabata relata na nan trabao den e gabinete. E regla ey a ser implementa pa e gabinete informalmente na 2017, y esaki a bira un ley formal na 2022. E ley a ser formalisa pa via di e cambio di van Nieuwenhuizen.

A tuma e Ministerio di Infraestructura dos aña pa provee e documentonan pidi pa NOS y Nieuwsuur, cual hasta a causa un corte

pa penalisa e ministerio cu un multa di 15,000 euro. E documentonan ey tambe a

monstra van Nieuwenhuizen presenta na un reunion di minister tocante e wind energy farms riba e Lama Norte, y e construccion di tubo for di Rotterdam pa Chemelot y Alemania.

Partidonan politico NSC y Volt a demanda clarificacion for di prome minister Mark Rutte tocante e posibel conflicto di interes. Nan kier sa pakico e por a “sigui interveni cu e politica di energia como un minister aunke cu e tabata sa cu e lo bay traha pa e grupo di interes, Energie Nederland.” Tambe nan a puntra si tabatin motibonan politico cu a resulta den e retraso di material pidi pa e

organizacionnan periodistico. E preguntanan a ser entrega pa e lidernan di partido den Tweede Kamer.

Van Nieuwenhuizen a reconoce cu asistiendo algun di e reunionnan por ser considera como un conflicto di interes, pero a bisa cu e tabata e unico presenta pa representa asuntunan relata di e Ministerio di Infraestructura y Maneho di Awa. “Den ningun manera mi a contribui na e reunionnan a base di interesnan especifica di mi posibel miembronan den futuro,” el a conta NOS, referiendo na e miembresia di Energie Nederland.

Brazil ta defende presencia di Vladimir Putin na G-20 na Rio de Janeiro

(Infobae) - Minister di Asuntunan Exterior di Brazil, Mauro Vieira, ayera diaranson a sigura cu autoridadnan ta bay ta “hopi contento” di conta cu e presencia di e presidente Rusiano, Vladimir Putin, den e cumbre di G-20 cu ta bay tuma luga na Rio de Janeiro na november 2024, aunke Putin tin un orden di aresto di Tribunal Penal Internacional (TPI).

“Si kier bin, nos ta bay ta hopi contento di cu e por ta presente den reunionnan,” e minister di Exterior a manifesta y tambe a adelanta cu no ta kere cu Brazil ta bay tuma medidanan algun pa cumpli cu e orden di detencion di TPI.

Vieira a kita importancia na e hecho cu Brazil ta un di Estadonan cu a ratifica Statuut di Roma cu e cual e TPI a ser crea. Tambe el a bisa cu nan no ta obliga di cumpli cu e decision di e tribunal “mester tin un orden,” el a



splica. Recientemente e presidente di Brazil, Luiz Inacio Lula da Silva, tambe a cuestiona e autoridad di e tribunal aki ora tin otro paisnan como Merca, Rusia of China cu no ta reconoc'e, loke segun a opina, ta genera “un desekilibrio.”

Den linea ey, Celso Amorim, asesor hefe di Lula den

asuntunan internacional, a pronuncia riba esaki bisando “Nos kier pa Putin bin. Un conferencia G-20 sin Rusia ta un conferencia incompleto. Si nos ta bay papia di temanan manera reforma di gobernabilidad global, con nos ta bay ignora Rusia?”

“Rusia ta un actor necesario. Su ausencia ta bay contra e

interesnan di G-20”, Amorim a agrega y tambe a cuestiona e papel di TIP.

“TIP a ser crea den etapa cu tabata embahador na ONU, y a mira un progreso, pero e hecho ta cu nacionnan grandi a keda distancia di dje, esey ta bale pa nan so? Of pa un pais declara como enemigo pa Occidente? Na unda ta e otronan cu a comete

crimennan di guerra?” el a bisa.

Asina, Amorim a destaca cu si bien “mester tene na cuenta e sufrimento di Ucraniannan” durante un eventual negociacion y no premia Rusia pa e invasion, tambe “mester ta realista” y reconoce cu e plan di paz di e presidente Zelensky, “no tin mucho futuro.”

Na maart 2023, ora tabata cumpli un aña di e invasion Rusiano na Ucrania, TPI e emiti un orden di captura contra Putin pa crimen di guerra relaciona cu e deportacion forsa di muchanan Ucraniannan, loke a provoca cu el a perde e cita di G-20 na Nueva Delhi, of esun di BRICS, na Sudafrica. For di e comienso di invasion, gobierno di Lula a muestra neutral, aunke cu algun expresion di condena. E ehecutivo, incluso, a yega di critica Kiev pa desaroyo di e conflicto arma. E posicion aki di Brasilia a provoca tension fuerte entre Lula y Zelensky.

Ta señala persecucion politico contra critico di gobierno Salvadoreño

(Yahoo News) - Orden di detencion provisional contra ex-diputado y ex-candidato presidencial di El Salvador, Ruben Zamora, a genera polemica y diferente actonan social a señala cu ta trata di “un persecucion politico” pa su posicion critico contra Gobierno di Nayib Bukele.

Diasabra ultimo a bira conoci un resolucion den proceso pa e masacre di El Mozote, na unda Ehercito a ehecuta casi

1.000 civil na 1981, den esey a ordena e prison provisional contra ex-presidente Alfredo Cristiano (1989-1994) y ex-directivonan di Asamblea Legislativo di 1993, entre nan Zamora, critico di Gobierno di Bukele.

E hues Mirtala Portillo, acusa di “opacidad” pa e huicio contra mas di un dozijn di militar retira, den su resolucion a indica cu e personanan aki supuestamente a cubri e procesadonan cu e

promulgacion di un ley di amnistia na 1993.

E orden di captura di Zamora ta pone den evidencia e ignorancia di hechonan historico constatabel, manera cu Zamora tabata contra e aprobacion di e ley conoci como “autoamnistia,” Cecilia Medrano, candidata na vice-presidencia pa partido Nuestro Tiempo a bisa.

Na 1993, poco prome cu un Comision di Berdad di Nacionnan Uni a revela su

rapport tocante violacion di derechonan humano durante guerra civil (1980-1992), Asamblea Legislativo a promulga e amnistia, cu a ser declara inconstitucional na 2016 pa Sala Constitucional di Corte Supremo di Husticia.

Medrano tambe a agrega cu e orden aki tambe “por constata e instrumentalizacion di un sistema hudicial sometido pa fin politico pa e Gobierno actual.”


“Si nan ta busca castiga encubrimiento di crimen di lesa humanidad e accion principal mester ta dirigi na hefaturanan di Forsa Arma cu ta ordena blokia acceso na filenan militar, protegiendo cu nan e personanan responsabel di e masacre di El Mozote,” el a bisa.

Esaki referiendo na e blokeonan realisa na october 2020 pa Forsa Arma, y cu e presidente Nayib Bukele a respalda, cu inspeccion ordena pa e hues na e momento ey Jorge Guzman.

Segun Medrano su opinion, e orden ta un reaccion na e reciente inclusion di tres funcionario di Instituto di Acceso na Informacion Publico (IAIP) den e lista di actornan “corupto y antidemocratico” di Merca. Yiu muhe di Zamora, cineasta Marcela Zamora, diasabra ultimo a señala riba su Facebook Page cu ta existi “un persecucion politico” contra su tata.

“Gobierno di Nayib Bukele tin mas di 3 aña investigando mi tata Ruben Zamora Rivas y nan no por a hayel’e nada, pues durante mas di 40 aña di carera politico y diplomatico a utiliza e poder como funcionario publico pa ponel’e den servicio di ciudadanonan Salvadoreño,” el a skirbi.

A finalisa cu “cobardemente nan kier cerel’e pa un delito cu no ta existi” y tambe a bisa cu su tata “No a firma e amnistia, cu desde semper e tabatin un posicion critico na esey.”



Republica Dominicana: Camara di Diputado ta aproba prestamo di 100 miyon dollar pa apoya programa di Superate

(DiarioLibre) - Camara di Diputado a aproba ayera den un unico lectura un prestamo nobo di 100 miyon dollar (ekivalente na 5.800 miyon dollar Dominicano) pa fortalece e proyecton social cu e programa Superate ta ehecuta.

E prestamo a wordo aproba solamente pa diputadonan di Partido Revolucionario Moderno (PRM) y su aliadonan, ya cu opositornan a retira di e sala durante e votacion di otro proyecto den rechazo di e medidanan cu gobierno ta tuma a traves di Congreso.

E prestamo di 100 miyon di dollar a wordo subscribi pa Banco Internacional di Reconstruccion y Fomentacion

y cu e placa ta busca integra un servicio unico di proteccion social.

E contract ta apunta cu e fondonan lo sirbi pa promove inclusion economico y acceso na asistencia cu ta responde na e crisis. E recursonan ta bay wordo usa pa hende den pobresa extremo y den cualkier caso di emergencia.

E rapport cu comision di Hacienda di Camara di Diputado aproba ta establece cu e proyecto social ta bay beneficia 1.4 miyon di hogar incorpora den e programa Superate. E famianan aki ta bay tin un inversion di Estado den salud, educacion y productividad.

Segun e motivacion di Poder Ejecutivo, alrededor di 35



mil persona ta bay participa den e componente di incurcion economico, mientras cu 267.542 hogar ta bay beneficia directamente di e proyecto.

“Door di loke a keda exponi anteriormente, e comision permanente di Hacienda a dicidi di rindi un rapport favorabel na e iniciativa pa

comprende e beneficiaran cu e prestamo aki ta bay trece pa e programanan social cu ya caba gobierno ta implementa desde aña 2020,” e rapport ta sostene, cu ocho diputado a firma y cu a wordo presenta den sala di Camara di Diputado.

Recientemente e programa Superate a entrega bonus di

emergencia na e famianan di San Cristobal cu a wordo afecta pa e explosion tragico cu a sacudi e pais den luna di augustus ultimo.

Cada famia a ricibi un bonus di 20 mil dollar Dominicano, ekivalente na 4.300.000 pesos, den un iniciativa implementa di manera conhunto pa e programa di ayudo y proteccion social Superate, Sistema Unico de Beneficiarios (Siuben) y Administradora de Subsidios Sociales (ADESS) cu e meta di alivia e impacto economico den nan hogar- y negoshinan, pa un periodo di tres pa cinco luna

Un total di 615 famia a ricibi e bonus di emergencia aki cu a wordo concebi como un herment integral di ayudo den situacionnan di desaster.

Venezuela: Ta extrae 135 mil ton di sushi for di lago di Maracaibo, cu ainda ta contamina

(ElNacional) - Gobierno di Venezuela a saca e aña aki 137.756 ton di sushi solido, hopi di nan completamente yen di petroleo, for di lago di Maracaibo, esun mas grandi di e pais, den cual te cu diaranson ainda tin sushi y costanan contamina door di fuganan di crudo.

Vice-presidente di Obra Publico y Servicio, Nestor Reverol a indica a traves di Instagram cu e desecho aki a wordo recoge for di augustus ultimo, ora cu gobierno a pone den marcha un plan di limpieza di e lago, afecta pa concurrencia di desperdicio, expansion di un bacteria yama ‘verdin’ y e frecuente deramenan di petroleo di e estatal PDVSA.

Ademas di e sushi cu a wordo extrae, ehecutivo a cambia 400 kilometer di tuberia cu ta sumergi den e awa aki, cu ta pertenece na PDVSA, pa otro nan mas flexibel pa evita e derame- y filtracionnan den e reserva di awa dushi mas importante di e pais.

Reverol a reitera cu e logronan aki ta solamente e comienso di e plan cu ta premira di cambia 700 kilometer di tuberia, pa e lago stop di muestra berde y por recupera den su totalidad e color blauw, como



tambe fiscalisa tur empresa cu ta opera den e awanan aki.

Tocante esaki, piscado Jose Luzardo, di 50 aña di edad, a splica na EFE cu, aunke tin partinan cu ta limpi, e problema ta keda persisti na varios zona, manera na unda e mes ta biba, den municipio San Francisco.

“Ainda nos tin contaminacion den e lago, nos no por saca ni un cabaron,” e homber a bisa cu ta papia di e cantonan di e lago completamente perdi den petroleo, loke ta bira un barera pa esnan cu ta purba drenta den e awanan aki.

Entre e accionnan tuma pa Ehecutivo den ultimo cinco

luna ta destaca e despliegue di centenares di piscado cu, den nan embarcacionnan, a yuda cu e extraccion di plastic.

Di mesun manera, trahadonan publico y boluntarianan a cuminsa haci limpi un total di 600 beach afecta pa e contaminacion, algun di cual ta awe apto pa e uso publico.

Aunke e ehecutivo ta insisti cu e lago ta den excelente condicion, ambientalista- y ciudadanonan ta kere cu na e luga ta biba ainda un emergencia cu mester keda wordo atendi pa mitiga e impacto negativo den e economia pover aki y reduci e expansion di enfermedadnan asocia cu e contaminacion.

Actor Sur Koreano Lee Sun Kyun conoci pa e pelicula 'Parasite' a ser haya morto



(AP) - Lee Sun-Kyun, e actor Sur Koreano miho conoci den oriente pa su rol den e pelicula "Parasite," a ser haya morto den un auto na Seoul riba diaranson, segun autoridadnan a reporta despues di simannan di investigacion intenso tocante su supuestu uso di droga.

Polis y oficialnan di emergencia inicialmente a haya Lee den loke nan a kere ta un estado inconsciente den e auto para riba un caya. Oficialnan di emergencia despues a confirma cu e tabata morto segun Seongbuk su stacion di

polis. Nan tabatin tempo ta busca Lee di 48 aña despues cu a reporta cu e ta perdi.

Nan a nenga provee mas detaye, incluyendo si nan a determina cu Lee a kita su propio bida. Sinembargo media Sur Koreano manera Yonhap a bisa cu famia di Lee anteriormente a reporta na polis cu el a sali for di e cas despues di a laga atras un mensahe similar na un nota di suicidio. Lee a hunga un rol importante den Parasite, cual a gana un Oscar den 4 categoria na aña 2020. E pelicula tabata e prome pelicula cu no ta den e idioma Ingles cu a gana Best



Picture den e historia di 92 aña di e Academy Awards y tabata e prome pelicula Sur Koreano cu a gana un Oscar. Den e pelicula, Lee a hunga un rol di e cabes di un famia rico. Lee tabata bao investigacion a causa di acusacionnan cu el a usa droganan ilegal na e cas di un host di bar. Lee a insisti cu el a cay den un trampa pa consumi e droga y cu e no tabata sa kico e droga tabata

segun Yonhap. Sinembargo e investigacion a ricibi cobertura extenso riba media y a causa rumornan online cu no tabata confirma tocante no solamente su uso di droga sino tambe tocante su bida priva. Lee a entrega un demanda contra 2 persona incluyendo e host, ken el a acusa di a blackmail su persona.

Sur Korea tin leynan suma-

mente estricto contra uso di droga y a mira un aumento grandi den ofensanan den e añanan recién. Siman pasa, Agencia di polis a informa cu nan a detene mas o menos 17,150 persona a causa di fabricacion, trafico, benta y uso ilegal di droga e aña aki, marcando un cantidad record den un solo aña.

Sur Korea tin hopi tempo cu e averahe di suicidio mas halto den paisnan desaroya. Tambe a experiencia un cadena di cuida entre celebridadnan cu cantantenan di K-pop, politiconan prominente y checutivonan di negoshi. Expertonan a bisa cu comentarionan online malicioso y abusivo ademas di cyberbullying severo tabata e causa pa varios di e suicidionan entre e celebridadnan.

Prome persona na links den e potret ta Lee Sun-Kyun.

Un tipo di heatstroke a causa morto di fanatico na concierto di Taylor Swift



(AP) - Un tipo di heatstroke ta e causa di morto di un fanatico Brasileiro cu a atende concierto di Taylor Swift den november, segun reportahe forensico obteni pa The Associated Press riba diaranson a demostra.

Ana Clara Benevides di 23 aña a cay flauw durante Swift su di dos cantica durante e concierto dia 17 di november na Rio de Janeiro, "Cruel

Summer", y a fayece oranan despues na un hospital local. E temperaturanan den e ciudad e dia aki tabata 40 grado Celsius. E fanaticonan a para den rij pa oranan prome cu e show y varios a acusa e organisadornan di no a entrega suficiente awa pa mas di 60,000 persona atendiendo e concierto na Nilton Santos Stadium. Nan a bisa cu nan no tabata permiti hiba nan mesun awa den e stadion. E reportahe di Rio Forensic

Medical Institute a bisa cu Benevides su exposicion na e calor a causa un problema cardiorespiratorio. Tambe a bisa cu e no tabatin condicionnan existente ni tampoco abuso di substancia cu por a causa su morto. E experto cu a analisa su culpa a bisa den e documento cu su "pulmon tabata comprometi seriamente y morto repentino" a causa di e calor. Un di Benevides su amistadnan ken tambe tabata na e concierto a conta media local cu nan a ricibi awa mientras nan tabata warda pa drenta e stadion. Organisadornan di T4Fa bisa den un declaracion cu e compania a "sigui e miho practicanan." a cumpli cu "tur exigencia di autoridadnan" y a "distribui miles di boter di awa" pa e fanaticonan. T4F tambe a nenga cu no a permiti niun hende drenta cu nan propio boter di awa na e concierto.

Oficina di Ministerio Publico (OM) di Rio a habri un investigacion criminal. Polis di Rio a bisa diaranson den un declaracion cu despues cu e reportahe forensico keda analisa e "representantenan di e compania organisando e evento lo ser yama pa duna nan testimonio."



**Announcement of the
Government of Aruba
Treasury Bills issuance – Afl. 32,250,000.00
January 5, 2024 – April 5, 2024**

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of December 19, 2023.

The Centrale Bank van Aruba (CBA) informs of the upcoming Government of Aruba (GOA) Treasury Bills issue on January 5, 2024, in multiples of Afl. 250,000.00 and Afl. 1,000,000.00.

Amount:	Afl. 32,250,000.00
Maturity:	3 months
Redemption date:	April 5, 2024

Participation in the upcoming GOA Treasury Bills issue is only allowed through the intermediation of a local commercial bank. Application forms must be submitted to the CBA on **Wednesday, January 3, 2024 at the latest at 12:00 p.m. (cutoff time).**

Aruba, December 28, 2023
Centrale Bank van Aruba



Make

the season

merry!

Take a loan for **AWG.7500 & receive an AWG.500 gift voucher**

No security needed | Quick approval

Gift vouchers to be used on 18+ months credit purchases.

APLICA AWE MES!

HAYA UN PAGO GRATIS

HABRI DI DIALUNA
PA DIASABRA

9AM
- TE -
6PM

SITUA NA:
AMC MEGASTORE
LG SMITH BOULEVARD 144

AMC DAKOTA
AVENIDA MILIO
CROES 41

AMC SAN NICOLAAS
BERNARD VAN DE VEEN
ZEPPENFELDSTRAAT 78

Facilito
CASH 
Instant Cash

Auto a slip dal 2 palo di luz un palo di sosten y un borchi trafico ademas a resulta herida

Diadomingo mainta a drenta informe di un accidente cu hende herida riba Wilhelminastraat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur biniendo nort cu velocidad halto net na e birada a slip baha caminda subi acera raspa den banda di un palo di luz, ranca un palo di sosten,


sigui bay dal un borchi trafico y finalmente dal basta fuerte riba un otro palo di luz. Debi na tur e impactonan aki e chauffeur a resulta herida. Na yegada di e ambulance nan a atende e victima y a transporte pa hospital.



Chauffeur di un Kia Sorento di huur a drenta den mondi cu e auto despues di a dal 2 auto staciona

Diadomingo madruga a drenta informe di un accidente na Palm Beach banda di Del Rey Apartments, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Kia Sorento a baha caminda dal 2 auto staciona y un cura di cas despues di e impactonan aki e Kia Sorento a bay termina kibra den unda e chauffeur a baha y core bay



na pia den e scuridad. Afortunadamente ningun hende a

resulta herida pero hopi daño y gasto a keda atras.



Homber sunu y 2 muher na yoramento memey caminda den oranan di madruga

Diadomingo madruga a drenta informe di cu tin un homber sunu y 2 muher na yoramento memey di caminda na Belgiëstraat, mesora a dirigi un patruya

na e sitio.

Na yegada di e patruya a bin compronde for di un testigo cu e muhernan tabata na yoramento y nan a para un auto y

a subi bay mientras e homber a core bay sconde den e compleho di apartamento. Polis a dal algun buelta mas pero no a mira niun di nan 3.

Ladronnan a probecha di e lonanan pa tapa e front di All to Car pa forsa porta horta un bicicleta electrico

Diadomingo mainta tempran a drenta informe di un caso di kiebro y ladroncia na All To Car riba L.G. Smith blvd., mesora a dirigi un patruya na e sitio.

Na yegada di e patruya a bin compronde cu aki ta trata di un caso di ladroncia unda ladronnan a probecha e lonanan poni den e front pa remodelacion asina nan por a forsa e porta trankilamente

pa drenta horta un bicicleta electrico. Den transcurso di dia a keda di revisa e grabacion di e camaranan di seguridad pa asina logra captura e ladron.



Polis a detene dama chauffeur burachi cu a accidenta riba E.J. "Watty" Vos blvd

Diadomingo madruga a drenta informe di un accidente riba E.J. "Watty" Vos blvd. yegando Paperclip Rotonde, mesora a dirigi

un patruya na e sitio.

Na yegada di e patruya a bin compronde cu un dama chauffeur a accidenta ma banda di caminda pero a

purba sigui core pero no a logra yega leu. Polis a pone e dama supla y esaki a surpasa e limite. Polis mesora a detene y a bay warda di polis cune.

Bisiñanan a haya molester di holo di huma di un sancocho cu un dama Latino tabata cushina

Diasabra atardi a drenta informe di molester di huma na Santa Cruz, mesora a dirigi un patruya na e sitio.

Na yegada di e patruya a bin

compronde cu aki ta trata di un molester di huma ocasiona pa un dama Latino cu tabata cushinando un sancocho cual ta un tradicion pa haci esaki pafor di cas den cura unda e palonan kimando ta

produci e candela pa cushina. Como cu aki ta trata di un candela chikito y ta controlabel polis a laga e dama sigui cushina su sancocho.



Chauffeur coriendo auto cu velocidad halto a perde control bay pega bao di un container riba un trailer

Diadomingo madruga a drenta informe di un accidente cu hende herida na Schotlandstraat banda di Caribbean Overseas, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur biniendo cu velocidad halto a perde control na e birada baha caminda manda piedra grandi te otro banda di caminda y finalmente bay pega bao di un container riba trail-

er. Milagrosamente e chauffeur a haya unicamente un herida na su cabes. Na yegada di e ambulance cu a presenta mesora a atende e victima.

Polis a bay pa un caso di maltrato na Pizza Hut

Diasabra anochi a drenta informe di un caso di maltrato na Pizza Hut na Sasaki, mesora a dirigi un patruya na e sitio.

Na yegada di e patruya a bin compronde cu un persona


lo a ser maltrata na e lugar pero e agresor a bandona e sitio caba. Polis a informa e victima cu e lo por pasa na recherche pa entrega keho di maltrato.



Polis a bay yuda un persona cu ta usa kruk pero ora el a yega cas baha for di auto el a cay y no por a lanta

Diasabra anochi a drenta informe di un peticion pa yudansa di polis na Sabana Grandi, mesora a dirigi un patruya na e sitio.

Na yegada di e patruya a bin compronde cu aki ta trata di un persona cu ta core auto pero tin problema cu un banda di pia y pa cana e mes- ter usa kruk y ora cu el a bay baha for di auto el a cay y no por a lanta. Polis a yud'e lanta pero a haya cu ta mihor pa laga ambulance control'e. Na yegada di e ambulance nan a atende y control'e pero afortunadamente nada a pas'e. E persona a keda masha agradecido pa e yudansa y asistencia duna.



Chauffeur di van coriendo auto bao influencia a pega soño bay dal palo di sosten y tubonan di W.E.B.

Diasabra atardi a drenta informe di un accidente na Pos Chikito, mesora a dirigi un patruya na e sitio.

Na yegada di e patruya a bin compronde cu aki ta trata di un chauffeur bao influencia coriendo un van lo a pega soño tras di stuur bay dal palo di sosten y tambe e tubonan di W.E.B. Debi na e impacto e chauffeur a haya un bolobonchi. Mirando cu e ta bao influencia polis a detene e chauffeur.



Dama chauffeur burachi a ocasiona un accidente riba un auto di direccion contrario

Diasabra mainta a drenta informe di cu tin un dama chauffeur burachi coriendo riba e banda robes di e caminda di rotonde Tanki Flip pa Tanki Leendert, mesora a dirigi patruyan-

an pa bay intercept'e.

Un rato despues a drenta un otro informe di cu e Jeep aki lo a accidenta na Tanki Leendert cu un auto contrario. Na yegada di e patruya a bin

compronde cu afortunadamente ningun hende a resulta herida. Pero polis a detene e dama chauffeur di e Jeep pa a core auto bao influencia y ocasiona un accidente.



Cuerpo di rescate di bombero a bay Moko pa rescata un cacho cu a cay den un pos di como 30 meter hundo

Diasabra atardi a drenta informe di cu un cacho lo a cay den un pos na Moko, mesora a dirigi e ekipo di rescate di bombero na e sitio.

Na yegada di e unidad a nota cu aki ta trata di un pos como 30 meter di profundidad. A solicita e unidad specialisa cu mas ekipo di rescate cu a presenta. Despues di a baha den

e profundidad un personal di bombero a logra salba e pober cacho y a liber'e di caida a den e pos.

Polis a confisca auto cu lo tabata envolvi den un accidente hit & run



Diasabra atardi polis di trafico cu tabata atendiendo investigacion di un accidente hit & run a bay na Kas Ariba. Eynan a haya e auto cu lo a

hit & run y a atende cu e doño di e auto pero e kieren e daño ta un daño bieu y cu e no ta envolvi den ningun accidente hit & run. Polis toch no a confia mucho e

declaracion ey y a confisca e vehiculo toch. Takelwagen a bini y a bay cu e auto pa mas investigacion.

Ladronnan a causa hopi destruccion ora di purba horta auto na Dadelstraat



Diasabra mainta a drenta informe di un caso di destruccion y intento di ladronia di un auto na Dadelstraat, mesora a dirigi un patruya na e sitio.

no por a kere tur e daño causa pa intenta di horta e auto. Polis a tuma e keho y a keda di bay busca e imagennan di e camaranan di seguridad den cercania pa asina logra gara e malhechornan.

Na yegada di e patruya nan

Accidente na hit & run na Tanki Flip



Diasabra madruga a drenta informe di un accidente na Tanki Flip, mesora a dirigi un patruya na e sitio.

Na yegada di e patruya a bin compronde cu un s.u.v. blan-

co grandi a bay pasa un auto net para cu esaki ta birando na man robes y a dal e sigui core bay. Afortunadamente ningun hende a resulta herida.

Hobencita mal benta bao influencia den auto habri den oranan di madruga dilanti Royal Plaza Mall



Diasabra madruga a drenta informe di cu tin un hobencita mal benta bao in-

fluencia di un of otro substancia den un auto habri para den e parkinglot y tin

hende ta purba lant'e pero e no ta responde, mesora a dirigi un patruya na e sitio.

Na yegada di e patruya cu un poco mas di insistencia y forsa a logra lant'e. Polis a nota cu e ta basta cansa y a ofrece pa hib'e cas pa su mesun bon. El a acepta y manera e vehiculo di transporte a yega el a subi y drenta pa polis hib'e su cas.

Pick-up su stuurwiel a lock bay na banda robes dal cura di cas, dama a resulta herida cu corta na su pia




Diasabra madruga a drenta informe di un accidente cu hende herida na Sabana Basora, mesora a dirigi tanto polis como ambulance na e sitio.

Na yegada di e patruya a bin compronde cu inesperada-

mente e stuurwiel di e pick-up a lock bay bandage robes dal riba cura di un cas. Debi na e impacto e glas di e porta a kibra y a bay corta e pia di e dama. Na yegada di e ambulance nan a atende e victima na e sitio mes.

Persona a keda herida despues cu un grupo di Venezolano den un auto blanco a bringa cune



Diasabra madruga a drenta informe di cu tin un pelea dilanti di Crystal Casino, mesora a dirigi un patruya na e sitio.

Na yegada di e patruya a nota cu e bringadornan lo a bay

caba pero e persona a keda herida y a pidi ambulance pa e heridanan cu el a ricibi di un grupo di Venezolano den un auto blanco. Polis a bisa e victima cu e por pasa entrega un keho na recherche y cu nan lo busca e grabacion di

e camaranan di seguridad pa asina logra gara e bringadornan cobarde ey. Na yegada di e ambulance nan a atende e victima y a transporte pa hospital.

Taxista burachi saliendo for di rotonde airport a perde control subi e piedranan banda di caminda

Diasabra madruga durante patruya oficialnan di e brigada motorisa a bin topa cu un accidente na rotonde airport, mesora nan a para pa controla.

A bin resulta cu aki ta trata di un taxista cu na salida di e rotonde a perde control y subi e barancanan pariba di e rotonde y a keda pega riba



e piedranan. Polis a nota cu e chauffeur ta burachi y ora a test e el a surpasa e limite

permiti. Esey a haci cu polis a detene pa stuur auto bao influencia y causa un accidente.



Danny Blind ta bolbe Ajax como miembro di hunta supervisor

(NLTimes) - Ex-futbolista Hulandes, Danny Blind a keda nombra como e miembro mas nobo di hunta supervisor na club di futbol di Amsterdam, Ajax. E nombramento planea a keda anuncia anteriormente, y a keda formalisa durante un reunion di accionista na e Johan Cruiff Arena diaranson, segun e team.

Alex Kroess tambe a keda nombra formalmente como CEO di e club, efectivo 15 di maart.

E trabao di Blind como miembro di e hunta ta bay continua te al menos november 2027. Blind, 62, anteriormente a fungi como miembro di e hunta for di april 2018 te augustus 2021, ora el a retira pa bira asistent di manager Louis van Gaal cu e team nacional masculino di Hulanda. E team a alcanza e quart final di Mundial 2022 na Qatar, pero e perde den penalty contra Argentina.

Na Ajax, Blind ta bay reuni cu Van Gaal, kende tambe a keda

nombra como consehero pa yuda den e problemanan recien di e team masculino na e club. Blind tin un historia largo cu Ajax. El a hunga den 493 partido y tabata capitan di e team.

Como hungador, e tabata den e team cu a gana e titulo di Champions League na 1995 y e UEFA Cup na 1992. E tambe a yuda Ajax gana cinco campeonato Eredivisie y cuatro torneo di Cup Hulandes. Tambe e tabata coach principal pa tiki mas cu un año cuminsando na maart 2005,



supervisando otro titulo di cup Hulandes.

Despues e tabatin un temporada breve, no exitoso como coach di team nacional mas-

culino despues di Guus Hiddink cu a dura menos di dos año. Blind no a logra trece Oranje ni na e Campeonato Europeo 2016 ni e Mundial 2018.

Kamilah Dammers y Esmond Jones a bira Empleado di Año di IBiSA

En conexion cu e celebracion di Pasco, Minister di Deporte a bishita e cena di Pasco di IBiSA. Ekipo di maneho y staf di IBiSA a honra e empleadonan, kendenan ta lanta marduga den weekend pa organisa tur e careda y eventonan deportivo manera: landamento, triatlón, aquatlon y pa tur e trabonan cu nan ta ehrece na scol fuera di orario normal di trabao.

Tambe durante e anochi special aki, IBiSA a reconoce cinco (5) empleado, esta Francis Tromp, Will Eras-

mus, Charlene Geerman, Kamilah Dammers y Wladimir Wolffcu durante año 2023 no a meld ziek, pues tabatin 0 "ziektemelding".

Adicionalmente, IBiSA a reconoce Kamilah Dammers y Esmond Jones como empleado di año 2023.

Pa conclui, Minister Endy Croes ta gradici e empleadonan di IBiSA pa e excelente trabao cu nan ta eherce y pa nan dedicacion y colaboracion durante año 2023. Alabes Minister Endy Croes ta desea henter Pueblo di Aruba un prospero año 2024.



Novak Djokovic ta spera di sigui hunga den su 40nan manera su amigo Tom Brady

(AP) — Novak Djokovic ya a siña hopi di gigante di NFL, Tom Brady. Y despues di a mira Brady hunga den su 40nan año di edad, Djokovic, 36, awo ta spera cu e por haci mescos.

Djokovic tin e record masculino di 24 titulo Grand Slam, pero no ta mustando ningun señal di baha velocidad, mientras e ta prepara pa competi pa un record di 11 titulo Australian Open proximo luna. Y mientras cu Roger Federer a retira y Rafael Nadal a keda ausente di casi henter 2023 pa motibo di lesion, Djokovic ta spera cu e tin hopi año mas ainda den top.

Manera Brady - kende tabata den box di Djokovic pa mira e strea Serbia gana e final di French Open e año aki - a



gana su di siete ring di Super Bowl cu 43 año di edad. "Tom Brady ta un tremendo ehempel di un campeon den su sport y un persona cu a logra un carera y longevidad asina grandi," Djokovic a bisa durante un evento di exhibi-

cion na Saudi Arabia. "El a pone hopi ora y hopi tempo den cuida su mes, den recuperacion, den sigura cu den un manera henter aspecto di su curpa y mente ta cubri pa asina e por tin un careda largo, exitoso."

"Mi conóc'e personalmente tambe," Djokovic a continua, "y mi a siña hopi di dje, di su ehempel, y mi ta spera mi por tin un carera cu ta bay te 40 of hasta mas leu - ban wak."

Djokovic a culmina un tem-

porada unda el a gana tres di e cuatro titulo Grand Slam pero a perde e final di Wimbledon den cinco set contra su rival mas recien - Carlos Alcaraz.


Djokovic a bolbe perde contra Alcaraz diaranson na Riyadh, 4-6, 6-4, 6-4 pero a bisa prome cu e partido di exhibicion cu e tin expectativanan similarmente halto pa proximo año.

"Mi ta sinti hopi bon den mi propio curpa aworaki y mi ta hungando un tennis di calidad realmente halto," e Serbia di rango top a bisa, agregando cu "2023 tabata un di e miho temporadanan cu mi tabatin den mi bida. Y pakico stop mientras ainda bo ta hungando tremendo? Pues mi ta bay sigui bay y tum'e año pa año, un pa un, y mira con leu mi por bay."

China ta sanciona 2 agencia Mericano y 2 individuo pa reportahe di abuso di derechonan humano na Xinjiang

(AP) - China a bisa cu lo prohibi entrada na dos agencia di investigacion Mericano y dos analista ken a reporta extensamente riba acusacionnan di abuso di derechonan humano cometi contra Uyghurnan y otro gruponan di minoria Musulman nativo di e pais su region di Xinjiang.

Ministerio di Exterior su vocero, Mao Ning a anuncia diamars anochi cu agencia basa na Los Angeles Kharon, su director di investigacionnan Edmund Xu y Nicole Morgret, un analista di derechonan humano afilia cu Center for Advanced Defense Studies, lo ta prohibi di drenta China. Tambe lo confisca cualkier bienes of



propiedad cu nan tin na China y organisacionnan y individuonan na China ta prohibi di haci transaccion of di otro manera coopera cu nan.

Den un declaracion riba website di e Ministerio, Mao a bisa cu e sancionnan contra

e compania, Xu y Morgret tabata consecuencia di un reportahe di gobierno Mericano tocante derechonan humano na Xinjiang. Uyghurnan y otro nativonan di e region ta comparti lasonan religioso, linguistico y cultural cu otronan den Asia

Central y tin hopi tempo cu sentimentonan negativo pa cu e control pisa y intentonan di partido comunista Chines pa cambia nan pa nan alinea cu e mayoria di e grupo etnico Han.

China tin hopi tempo ta rechasa e acusacionnan, bisando cu e red di facilidadnan similar na un prizon via cual miles di ciudadano Musulman a pasa tabatin intencion di saca e tendencia extremista y violento y siña nan habilidadnan pa trabao. Ex-prisioneronan a describi e condicionnan fuerte imponi sin un proceso legal y exigencianan pa nan nenga nan cultura y elogia President Xi Jinping ademas di e partido comunista diariamente. China ta bisa cu e campnan aki tur ta

cera, sinembargo varios di e ex-prisioneronan aparentemente a ricibi sentencianan di prizon largo otro caminda. Acceso na e region pa reporteronan, diplomatonan y otronan ta controla estrictamente, di mesun manera cu movimiento fuera di e region di Uyghur, Kazaks y otro minorianan Musulman.

“A traves di e publicacion, Merca un biaha mas a plama storianan falso tocante Xinjiang y ilegalmente a sanciona oficialnan Chines y companianan citando supuesto problemanan di derechonan humano,” Mao a declara, agregando cu si “Merca nenga di cambia su curso, China no lo spanta y lo responde di mesun manera,” Mao a comenta na e conferencia di prensa.

Studiantenan na Indonesia ta protesta contra refugiadonan Rohingya

(AP) - Studiantenan den provincia Aceh di Indonesia a campana diaranson exigiendo gobierno tuma medida contra e refugiadonan Rohingya yegando via boto den cantidadnan cu ta keda aumenta, mientras polis a nombra mas sospechoso di contrabanda di hende.

Mas di 1,500 Rohingya, kendenan a huy for di atakenan violento na Myanmar, awo saliendo for di campnan na Bangladesh den buskeda di un miho bida, a cuminsa bay Aceh via Sumatra desde november. Nan a ricibi hostilidad for di otro Musulmanan na Aceh.

Mas o menos 200 estudiante a protesta dilanti parlamento provincial na Banda Aceh, capital di e provincia, pa haci un yamado na legisladonan pa rechasa e refugiadonan Rohingya, bisando cu nan presencia ta causa problema social y economico den e comunidad. E manifestantenan a grita “Bay di aki Rohingya!” y a critica gobierno ademas di agencia di refugiado di Nacionnan Uni pa nan fracaso den maneha e yegada di refugiado. Algun di nan a te hasta kima taira riba caya. “Nos ta urgi parlamento tuma accion firme inmediatamente pa saca tur refugiado Rohingya for di Aceh,” Teuku Wariza, organisador di e protesta a declara.

E manifestantenan a marcha



na un centro di comunidad local na Banda Aceh, unda

mas o menos 135 Rohingya tabata kedando. E manifestantenan a saca nan paña y

nan pertenencia, forsendo au-

toridadnan reloca nan na otro shelter. Indonesia antes tabata tolera e refugiadonan mientras cu Thailand y Malaysia tabata saca nan. Sinembargo e hostilidad aumentando for di algun di e Indonesnan pa cu e Rohingya a pone presion riba president Joko Widodo su gobierno pa tuma accion. Widodo anteriormente e luna aki a bisa cu gobierno ta sospecha un aumento den contrabanda di hende pa cu e aumento di yegada di Rohingya.

Polis na Banda Aceh riba diaranson a nombra 2 otro persona sospecha di ta contrabandista di Bangladesh y Myanmar despues di e yegada di un boto di refugiado dia 10 di december. Un di nan, e capitan ken tambe ta un refugiado, a ser acusa di contrabanda di hende. “E no ta un problema facil, esaki ta un problema cu desafionan grandi,” minister di Exterior, Retno Marsudi a conta reporteronan. “UNHCR a reitera su compromiso pa sigui asisti gobierno di Indonesia den atende e situacion aki.

Like us on
Facebook

facebook.com/bondianoticia

Departamento di Labor & Investigacion ta anuncia aumento di salario minimo Y limite di salario pa aplicacion di Ordenansa Laboral 2013 entrante 1 di januari 2024

Ta ahusta e suma di salario minimo pa un empleado cu tin 18 aña di edad of mas entrante 1 di januari 2024 na Afl. 1.986,20 pa luna y Afl. 463,25 pa siman.

Pa un empleado di 18 aña of mas cu ta haci trabou domestico den un residencia priva, e salario minimo ta bira Afl. 926,65 pa luna. Pa e empleado domestico cu ta traha 22 ora of menos pa siman e suma di salario minimo lo bira Afl. 10,30 pa ora.

Como consecuencia di e ahustacion di e salario minimo e limite di salario pa aplicacion di e Ordenansa Laboral 2013 (Arbeidsverordening 2013) tambe lo subi entrante 1 di januari 2024. E Ordenansa Laboral 2013 ta e ley cu ta regla condicionnan di trabou manera entre otro e oranan maximo cu por traha pa dia of pa siman, dianan di sosiego, pago di overtime

ora traha mas cu e maximo ora permisibel ariba un dia normal di trabou y pago di overtime riba dianan di fiesta.

E Ordenansa Laboral no ta aplicabel pa tur trahado pero ta conta solamente pa trahadonan cu ta cay bou di e limite di salario.

E limite di salario nobo lo bira entrante 1 di januari 2024, e salario minimo (Afl. 1.986,20) x factor 2.5= Afl. 4.965,50 pa luna. Esaki ta encera cu trahadonan cu ta gana un salario di Afl. 4.965,50 pa luna of Afl. 59.586,00 pa aña of menos, ta cay bou di proteccion di e Ordenansa Laboral 2013 y tin derecho riba tur condicion di trabou stipuladon e ley aki.

Departamento di Labor y Investigacion ta pidi tur trahado y principalmente dunadonan di trabou pa tene bon cuenta cu e cambionan aki.



No tin cambio di tarifa di inkomstenbelasting y loonbelasting pa aña 2024

E suma liber di impuesto ta Afl. 30.000

Pa aña 2024 lo no tin cambio den e tarifa di inkomstenbelasting y loonbelasting. Manera conoci e mesun tarifa cu ta valido pa inkomstenbelasting ta valido tambe pa loonbelasting. E tarifa aki ta hopi importante tanto pa persona priva, doño di trabou y comerciante cu tin empresa propio (eenmanszaak).

Pa loke ta e suma liber di impuesto, esaki ta keda Afl. 30.000. Esaki ta nifica cu si e entrada fiscal ta Afl. 30.000 of menos pa aña, e persona no ta paga inkomstenbelasting of loonbelasting den aña 2024.

Con ta haci e calculacion di impuesto?

Aki ta sigui un splicacion di e forma cu ta calcula e suma di impuesto.

Prome cu aplica e tabel pa calcula e suma di impuesto mester deduci e suma liber di impuesto (belastingvrijesom) di Afl 30.000.

Na final ta haci e suma di impuesto cu a ser calcula, un suma cera.

Ehempel (referi na tabel):
Entrada fiscal pa aña; Afl. 65.432

Suma liber di impuesto; Afl. 30.000 -/-

Entrada riba cual ta aplica e tabel; Afl. 35.432 (mira categoria di entrada nr. 2)

Kita suma di kolom I (categoria 2); Afl 34.930 -/-
Saldo; Afl. 502

Impuesto riba Afl. 34.930 segun kolom III (categoria 2); Afl. 3.493,00

Impuesto riba Afl. 502 21% segun kolom IV; Afl. 105,42
Suma total di impuesto; Afl. 3.598,42

Inkomstenbelasting of loonbelasting cu mester paga; Afl. 3.598 (pa aña)

Departamento di Impuesto tin un calculator den forma di un MS Excel file, cual e contribuyentenan por uza pa calcula e suma di inkomstenbelasting of loonbelasting automaticamente. E file aki yama 'Calculator IB-LB 2024' y por baha esaki di su website impuesto.aw.

Ta importante pa un y tur, specialmente e doñonan di trabou cu tin cu prepara payroll di nan empleadonan durante aña 2024, pa aplica e tabel di tarifa di inkomstenbelasting y loonbelasting correctamente.

Resultado Sorteo 27 december 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
-	8364	-	-
-	7046	SUPER5	-
-	1770	-	-
MERDIA	ANOCHI		
			01-04-14-16-24
Sorteo # 4135	Sorteo # 8131	Sorteo # 2453	Joker 2 Letter C
6260	6019	0x Jackpot	Proximo Jackpot
5939	3915	1x Match 4+	230.000,-
4456	7395	10x Match 4	
		160x Afl. 12,00	
			01-02-07-16-19
Sorteo # 4135	Sorteo # 7175	Sorteo # 6341	Proximo Jackpot
9600	6857	1x Jackpot	50.000,-
		65x Match 4	
Sorteo # 2191	Sorteo # 1880	1520x Afl. 8,00	
9686	6489		Mega Ball
		0x match 4	Proximo Jackpot
Sorteo # 4135	Sorteo # 5934	0x Afl. 500,00	320.000,-
5185	4747	0x Afl. 50,00	
Piscis	Scorpio	0x Afl. 15,00	
			Afl. 420.000,-
Sorteo # 1009	Sorteo # 864		Sorteo # 154
845	142		274934
		QR Code	
FP	X2		

King Classic Sudoku

			4	7	8	2		3
2	8	7	3	1	6			4
1						6	8	7
			9	6	4			
		8			3			9
6	4						3	
		3				8		
	9					5		6
4			6	8		3	9	2

Difficulty: ★★★ 12/28

©2023 King Features Syndicate, Inc.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com



Dokter na warda
Oranjestad **San Nicolas**
Hospital **Imsan**
 7:00 pm / 10:00 pm **24 ora**

Botica na warda
Oranjestad: **San Nicolas:**
 Paradera Seroe Preto
 Tel. 588 6638 Tel. 584 4833
EMERGENCIA **911**

POLIS
Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA
Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD
Setar **117**
Web **525-4600**
Elmar **523-7147**

FUNERARIA
Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.
 Tel: 582 2116 / 582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Cas Di Cultura
 Vondellaan 2 Aruba
 297-582-1010
F A D A
 Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O
 Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

**Fundacion Autismo
 Aruba**
 Irenestraat 21 Aruba
 297-588-1179

**Fundacion Pa Nos
 Muchanan**
 Cumana 2 Aruba
 297-583-4247

**Fundacion Tel Pa
 Hubentud**
 Wilhelminastraat 19
 Aruba
 297-588-6138
**Koningin Wilhelmina
 Fonds**
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999

Rode Kruis Aruba
 Pedro Gallegostraat 14
 Tel. 297-582-2219
 Fax 588-3376

Famia Planea (SBVO)
 Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.com

**Stichting Fundacion
 Guia Mi**
 George Madurostraat 34
 297-582-0088

Y M C A
 Calbasstraat 1 Aruba
 297-582-3072

AL-ANON group
 Sabana Liber #8, Noord
 (close to the hotels)
 Tel: 736-2952 or
 593-7081

SERVICIO PUBLICO
 Pa trabou di data-entry of
 update di bo administracion pls
 contact:
Tel. 568 2339

TA BENDE
 Caha di Orgel aña 1997,
 6 cylinder cu su loudspekers
 Fls. 14.000 por yama
Tel. 593 9614
Mr. Loy Ras 749 2533

TA HUUR
 Apt. muebla, San Nicolas,
 persona serio. exclui awa,
 electricidad, cable, Serlimar,
 gas. No mucha/ no maskota, 2
 ultimo payslip y referencia Prijs
 Fls. 850 + 1 luna deposito
Info: 584 1008 / 594 2502
217287

SERVICIO PUBLICO
 Mi ta ofrece pa cuida di mucha
 di dialuna pa diabierna y
 weekend. Pa informacion
Tel. 558 7310

SERVICIO
 Reforsamo papiamento-españo,
 of españo pa papiamento pa
 hende mayor y mucha
Tel. 563 4641

SERVICIO PUBLICO
 Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
563 4828 / 5679610

TA OFRECE
 Servicio pa hacer limpieza y
 cuida de niños
 Pa mas informacion
Tel. 569 3253

SERVICIO PUBLICO
 Mi ta ofrece servicio di
 electricista en general corto
 circuito y mantencion
Tel. 566 5026

SERVICIO PUBLICO
 Mi ta ofrece servicio pa haci
 reparacion di porta, ventana y
 hopi mas. Pa mas informacion
Tel. 563 6762

Sushi den cura?
 Ta piki sushi cu pick-up
 grandi pa Afl 75,= pa buelta.
 Yama nos na
561 4297 of 561 5179

SERVICIO PUBLICO
Limpiesa pa cas y auto
 Presure wash cura di cas
 Laba muebles, laba tapijt
 laba vloer
Tel. 593 9464



SERVICIO PUBLICO
 Ta traha y renoba Cas
 drecha dak, ta basha vloer,
 pleister, verf cas, traha cura,
 pega mosaico
Tel. 563 4168

TA HASI
 Trabou di **Pleister 14fl mts²,**
Pintura, Patios y Bloki
Tel : 6302305

SERVICIO PUBLICO
 Buscando auto pa huur y na bon
 prijs? yama nos
Tel. 593 9953/ 593 8453

SERVICIO PUBLICO
 Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
Tel. 564 1979

SERVICIO PUBLICO
 Nos ta haci trabou di
 plomeria, electricidad,
 hardineria incluye hiba sushi
 Handy man.
Tel. 742 6250

SERVICIO PUBLICO
 Nos ta chapi, corta y planta
 mata, brinda tur servicio cu bo
 cura mester. Tira sushi afo,
Tel. 738 1908

Pronostico di tempo

Tempo:

Awe tardi y awe nochi: parcialmente nubla cu un posibel awasero pasahero
 Den marduga y mañan: parcialmente nubla cu un awasero breve

Temperatura maximo 31 grado Celsius
 Temperatura minimo 27 grado Celsius
 Indice di calor (heat index) den y rond di or-
 nanan di merdia: 32 pa 38 grado Celsius
 UV index: 8

Bahada di solo : 6:23 pm
 Subida di solo : 6:59 am.

Biento:

Modera for di direccion oost te oost-noor-
 doost;
 Forsa 3 te 4 (12 te 30 km/ora, 7 te 16 nudo).
 Den dia basta fuerte den rafaga;
 Forsa 5 (31 te 39 km/ora, 17 te 21 nudo).

Situacion general di tempo pa proximo 24 ora:

Den proximo 24 ora e aire transporta pa area



local lo contene suficiente humedad. Esaki lo pone mas nubla forma y pasa riba e isla cu posibilidad pa algun awasero pasahero te breve localmente. Mas aleu por bisa cu stof di Sahara den concentracion leve te modera lo stroba visibilidad un poco durante proximo dia. Personanan cu tin problemanan di alergia mester tene esaki na cuenta y tuma e precau-
 cionan necesario.

Condicionnan maritimo/estado di lama:

Na partinan protegi di costa: keto, rond di 1 pia.
 Na partinan zuid: trunkil, entre 2 pa 3 pia.
 Na partinan oost te noordwest di costa: Modera cu olanan entre 3 pa 4 pia

Aurora
Royal Pray
Funeral Home & Crematory

Na een leven vol toewijding aan haar echtgenoot, kinderen, kleinkinderen, achterkleinkinderen en leerlingen is op 23 december 2023 op 93-jarige leeftijd overleden onze moeder, schoonmoeder, grootmoeder en overgrootmoeder



Antonia Jacoba Hagens – van der Have

Echtgenoot:
George Harold Hagens †

Kinderen en echtgeno(o)t(e):
Erna en Rob
Harold en Lydi
Eric en Estafani
Glenn †
Yvonne en Min
Jenny

Kleinkinderen en gezin
Natasha en Gino
Jacqueline en Mandy
Andrew, Emill, Emily, Bella en George
Jo-Ann, Brian en Jhon Edward
Zuyata en Deidre

Huisvrienden:
Marlene en Loekie

De begrafenis zal plaatsvinden op vrijdag 29 december 2023 .

Gelegenheid om afscheid te nemen van 14:00 tot 16:00 uur bij Aurora Funeral Home, Cumana 76, Watty Vos Blvd, Oranjestad, Aruba

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

We willen boven de foto:
En als ik dood ben, treur dan niet
Ik ben niet echt dood, moet je weten
Het is mijn lichaam dat ik achterliet
Dood ben ik pas, als jij mij bent vergeten
(Bram Vermeulen)



Hiermee maken wij bekend dat **Margreet Roose-Tissink** is overleden op 17-12-2023
Zij was de weduwe van Jacobus (Ko) Roose

Moeder van Manita en Astrid Roose
Oma van Floris, Marnix en Ruben Meeuwis

De plechtigheid vindt plaats op zaterdagochtend 30 december 2023 te Aurora Funeral Home van 9 tot 11 uur en daarna brengen we haar naar de centrale begraafplaats te Sabana Basora.

Margreet is 89 jaar oud geworden.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, mi no tin falta di nada. Den cunucu di yerba berde e ta ponemi sosega. E ta hibami na awa tranquil, pa mi bolbe haya forsa. Salmo:23

Cu inmenso tristeza na nos curason, nos ta anuncia fayecimento di:



Mario Tromp
Mihor conoci como: "Chomai of Mai"
*16-08-1937 - † 25-12- 2023

Na number di su:
Yiunan: Ivy y Reynaldo Geerman
Bianca y Humphrey Frolijk

Nieta- y nietonan:
Iddy Geerman y Jean-Rick Werleman
Yvar Geerman
Jovanca Frolijk
Jomaikel Frolijk
Bisanieta stima: Jolique Frolijk

Ex casa y mama di su yiunan: Patricia Werleman
A cuide te na final manera yiu: Reynaldo Geerman
Ayudante: German, Filomena, Betesda Home Care

Rumannan:
† Jacinto y † Josefa (Fita) Tromp-Trimon
† Juan Tromp y Aida Tromp-Dijkhoff
† Faustina Tromp
Judith Falconi-Tromp y Robert (Robby)
Glenni Tromp
† Romi Tromp

Subrino- y subrinanan:
Morris Tromp y famia
Jillian Falconi y famia
Raymond Tromp y famia
Jo-Ann Hoogendoorn y famia
Josimar Coutinho
Janice Croes
Alfredo Tromp y famia
Juan Tromp
Juanucho Tromp y famia
Sharlyn Ruiz y famia

Tur su ihanan, primo(a)nan

Demas famianan: Geerman, Frolijk, Werleman, Tromp, Dijkhoff, Figaroa, Ruiz, Falconi, Hoogendoorn, Coutinho, Kelly

Acto di despedida lo tuma lugar: Diabierna 29 di December 2023 na Aurora Funeral Home di 9.00 pm – 11.00 am. Cremashon lo tuma lugar den seno familiar.

Lamentablemente despues di despedida nos no por tuma bishita di condolencia mas na cas y tambe nos disculpa si den nos tristeza nos por a lubida di un of mas famia.

Aurora
Royal Pray
Funeral Home & Crematory

“Señor ta mi wardador, mi’n tin falta di nada Den cunucu di yerba berde e ta ponemi sosega. E ta hibami na awa tranquil, Pa mi bolbe haña forsa”.
Salmo: 23

Nos ta anuncia fayecimento di:

Roberto A. Maria
*17-04-1954 – †25-12-2023

Acto di entiero lo wordo anuncia despues.



Aurora
Royal Pray
Funeral Home & Crematory

“Señor ta mi wardador, mi’n tin falta di nada Den cunucu di yerba berde e ta ponemi sosega. E ta hibami na awa tranquil, Pa mi bolbe haña forsa”.
Salmo: 23

Nos ta anuncia fayecimento di:



Susana Ann Mary Arrindell
*29-11-1933 - †26-12-2023

Acto di entiero lo wordo anuncia despues.

Departamento di Impuesto su dianan di servicio den temporada di fin di aña

En conexion cu e dianan di fiesta, Departamento di Impuesto ta participa cu ta adapta e servicio na publico den e proximo dianan. Departamento di Impuesto ta pidi su contribuyentenan pa tuma bon nota di e fechanan y orarionan adapta pa evita cualkier inconveniencia. Aki ta sigui un skema di e orarionan den e siguiente dianan.

Entrante diaranson, dia 3 di januari 2024, Departamento di Impuesto lo ta habri bek brindando su servicionan manera custumber.

Departamento di Impuesto ta gradici tur contribuyente cu a cumpli cu nan debernan fiscal durante aña 2023 y ta desea henter pueblo di Aruba un aña 2024 yena cu bendicion y prosperidad.

Gerencia di Departamento di Impuesto

Fecha	Lugar	Orario
22 di december 2023	Oficina principal na Camacuri Tur MFA y Postkantoor San Nicolas	7:45 am - 2:00 pm non stop 8:00 am - 2:00 pm non stop
25 y 26 di december 2023	Tur oficina di Departamento di Impuesto	Cera
27 y 28 di december 2023	Oficina principal na Camacuri Tur MFA y Postkantoor San Nicolas	7:45 am - 11:30 am 1:15 pm - 3:30 pm 8:00 am - 12:00 pm 1:00 pm - 3:00 pm
29 di december 2023	Oficina principal na Camacuri Tur MFA y Postkantoor San Nicolas	7:45 am - 1:00 pm non stop 8:00 am - 1:00 pm non stop
1 y 2 di januari 2024	Oficina principal na Camacuri Tur MFA y Postkantoor San Nicolas	Cera

Directie Natuur en Milieu (DNM) lo ta cera pa mantencion di edificio y durante dianan di fiesta

Den cuadro di e dianan di observacion y celebracion di Pasco di nacemento y fin di aña 2023, DNM su oficina lo ta cera pa publico desde diabierna 22 di december 2023.

DNM lo ta habri bek diaranson 3 di januari 2024. DNM ta situa den e edificio monumental di Uncle Louis Store na B. v/d Veen Zeppenfeldt straat#7, San Nicolas y den cuadro di mantencion anual parti paden di e edificio, e oficina, lo ta cera riba fecha 22 December 2023.

Pa cualkier eventualidad por manda nos un mensahe via nos plataforma di Facebook messenger dnmaruba of por manda un email via info@dnm-aruba.org. Pa cualkier melding cu emergencia cu tin di haber cu naturalesa y medio ambiente por haci esaki via KPA Polis.

Alabes DNM ta desea un y tur feliz dianan di fiesta. Nos ta na porta di fin di aña 2023. Cu placer nos ta wak bek e aña aki y ta wak cu nos a haci un stap mas den un direccion na unda Naturalesa ta mas inclui. Como team nos a



crece, como directie nos ta mas presente, como hende nos ta mas servicial. Nos ta sirbi nos dushi pais y crece como persona. Danki pa sostene nos trabou.

Feliz dianan di Pasco y Prospero Aña Nobo. Ta sincero deseo di team Directie Natuur en Milieu Aruba.

Otorgamento di permiso general pa Gaita y Dande



Manera ta tradicion di tur aña, Alto Comisario di Polis Sr. Ramon Arnhem, ta convoca un permiso general pa presentacion di gruponan di Gaita, Folklore, Aguinaldo y Dande dilanti negoshinan riba nos isla. E permiso aki ta vigente cuminsando for di dia 1 di December 2023 te cu dia 31 di December 2023.

Contacto: E permiso general aki ta mara na e condicionnan manera prome cu cualkier grupo por haci uzo di e permiso otorga den e convocacion aki e persona encarga cu e grupo mester tuma contacto cu e seccion di Planologia y Informacion di Cuerpo Policial durante oranan di oficina. For di 7'or di mainta te 3'or di atardi y nan number di telefon ta 585-2500. Durante fin di siman por tuma contacto cu departamento di Planologia y Informacion via di Central di Polis na number di telefon 100. E personanan en cuestion lo controla si e laga caminda e actuacion lo tuma laga ta apropia of no.

Reglanan: Gruponan di Gaita, Folklore, Aguinaldo y Dande por haci nan presentacion te cu 10'or di anochi. No mag stroba ni trece trafico den peliger bou di ningun circunstancia. No mag laga sushi of cualkier desperdicio atras riba caminda publico despues di e presentacion. No mag toca den vecindario di misa durante sirbishi, hospital, casnan di anciano of otro instituto cu ta duna cuida medico, ni den vecindario di stacionnan di gasolin.

Recordatorio: E permiso aki ta conta specialmente pa Gaita, Folklore, Aguinaldo y Dande. E permiso aki NO ta conta pa un banda, conhuntito of agrupacion musical. Durante control Polis mira cu un banda of agrupacion musical ta tocando cu no ta gaita of dande lo para e evento cu consecuencia cu por haya un multa. Banda of agrupacion musical mester busca un permiso general.

Cuerpo Policial ta subraya cu mester obedece tur ordo di Polis relaciona cu Orden Publico y Polis ta autorisa pa para e evento na momento cu Orden publico ta rekeri esaki of na momento cu constata cu a viola cualkier di e condicionnan aki.

Orario di Corte di Husticia durante dianan di fiesta binidero

For di 18 di december 2023 te cu 5 di januari 2024 Corte Comun di Husticia ta cu receso. Diferente for di loke generalmente ta asumi, esaki no ta nifica

cu Corte ta cera. Griffie di Corte di tur e islanan lo keda habri segun orarionan regular (cu excepcion di ATV y dianan di fiesta), solamente cu lo tin menos caso durante e receso.

En conexion cu e dianan di fiesta Corte lo ta cera riba e siguiente fechanan: 22 di december 2023, 25 di december 2023, 26 di december 2023, 29 di december 2023, 1 di januari 2024 i 2 di januari 2024.

Diaranson 3 di januari 2024, empleadonan di Corte lo t'ey pa duna servicio atrobe segun e orarionan regular.





FAST TRACK — PA FIN DI AÑA —



SHOP. DRECHA CAS. COMPARTI.

Haci bo logronan extra special, e aña aki ainda.



PRESTAMO PERSONAL EXTRA LIGHT

5,000.00 florin

Interes reduci extra te na
16% p.a. pa un tempo limita.



PAGO MENSUAL EXTRA COMFORTABEL

**174.00 florin
pa luna**

Paga bek extra
comodo den 3 aña



Haya contesta extra rapido cu nos FAST TRACK LOANS

Haci bo compras y dianan di fiesta
extra special.



PREAPLICA AWE MES



Combersa cu nos

Presta responsabel. E oferta aki ta valido te cu 31 di december, 2023 y ta exclusivamente pa clientenan cu tin un record di pago satisfactorio segun exihencianan di Caribbean Mercantile Bank N.V. Clientenan cu aplica pa e oferta aki lo ricibi un interes efectivo di 16% p.a. y cu un termino pa paga bek di te cu 3 aña. Despues di e periodo di e oferta e interes efectivo lo bai bek na 18% p.a. Un cobranza pa seguro di bida di Afl. 10.00 pa cada luna, y un gasto di administracion di Afl. 15.00 pa cada luna lo wordo aña automaticamente na bo prestamo. Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e tempo acorda. Periodo di preaviso por escrito di seis luna o menos: suma igual na 3 (tres) luna di interes, cu un minimo di Afl. 500.00. Periodo di preaviso di mas di seis luna: Afl. 500.00. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.